

Go PHEGELELA

 Ke a le leboga. Le ka dula, feela nakwana. Tshwarelo go ba le lena le eme ka mokgwa wola, eupša ba bile le taba ya tshoganetšo feela ge ke etla ka gare, kafao ke ile ka swanelo go swara yeo. Tšho “tshoganetšo” ke ge ba etla fa le go swanelo go ya morago. Re leka go ba swara gonabjale, gobane ga ba kgone go dula.

Ke a thanka ba bantsi ba be ba makala gore ke ka baka la eng re no se sepediše mothalo wa thapelo thwi go kgabaganya sefala. Ke na le morero ka go dira se ke se dirago. (Le a bona?) O swanetše go bjala peu pele o ka tsoge wa leka go hwetša puno, le a bona.

Gomme ka gona, e no elelwa, swara karata ya gago ya thapelo. Yo mongwe le yo mongwe o na le karata ya thapelo. Yo mongwe le yo mongwe yo a nyakago e tee a ka kgona go ba le e tee. Modimo ge a rata, re tla le rapelela pele re tloga toropokgolo ye. Ge go tsea dibike tše pedi go e dira ka gare, re tla—re tla e dira. Kafao bjale e no elelwa, gomme o sware karata ya gago ya thapelo, tliša baagišani ba gago le e ka ba eng e babjago, gomme a nke ba hwetše karata ya thapelo, gore ba kgone go rapelelwa.

Eupša ke na le morero ka go dira se: Sa pele, ke go aga tumelo le go bjala peu. Gomme ka gona, ka morago ga ge o kwešiša, ge o etla ka mothalong wa thapelo, o tla tseba se o se tlelagoo. Ke bone bontši kudu bja seo bo dirwa ka matšatšing a ka a go rapelela balwetši ka go ye ya go feta ye lesometlhano, mengwaga ye lesomeseswai: batho ba kitimela thwi ka gare sefaleng, le, go tšwa go . . . ba lebane le karo ya tshoganetšo, ba re, “Ke ikwela bokaonana, eupša . . .” Gomme ka gona ka matšatšing a mmalwa ka morago ga fao ba re, “Ke tla . . . Ke a thanka bokaonana ke . . .” Gomme ba tla kara gomme ebile ga—ga—ga e gona, le a bona, e ile. Gomme ga—ga ba e kwešiše, gomme ga ba tsebe gore ba swanetše go ba le phe—phe phetogo go yeo. Gomme—gomme ba no, ga ba kwešiše.

Dikopano tša ka di bile lebelo kudu, go no kitimela ka gare le go kitimela ka ntle ga toropokgolo. Le lengwe la matšatši a, ge Modimo a rata gomme Jesu a diega, ke nyaka go tla toropongkgolo le go dula botelele go lekanelo go fihla nka kgona go dira batho ba bone se re lekago go se dira: Molaetša wa Modimo go batho. Go ba ruta mosegare, mosong, morago ga sekgalela, mantšiboa. Le go no dula.

Nako ye nngwe ge tše, re hwetša yo mongwe le yo mongwe (ge ba se ne ditsošeletšo ka ditoropongkgolo tikologong), le modiredi yo mongwe le yo mongwe, gore a kgone go iša basokologi go batho . . . go dikereke. Le a bona, ga ke ne kereke, aowa . . . Ke

no ba emela bohole, le go leka go romela maloko, e ka ba kae ba nyakago go ya, seo se tšwa go bona. Selo se segolo: A ba tswetšwe gape? A ba tseba Jesu Kriste bjalo ka Mopholoshi? Gona ke mohlokamelamarobalo go mo tšea go tloga fao go ya pele, le a bona. Modimo o tla mo fa maatlataolo go mo tšea ka tsela ye a swanetšego go ya. Gomme ke taba ya ka go no ba šupetša go Kriste, go rapelela balwetši, go tšhela oli ka gare le go ba tšeela godimo go mohlokamelamarobalo. Kafao morago, ba hlokomela ka moka ga yona.

Bjale, go lebega o ka re lešaba la rena le godile ka go nokologa kudu. Ke no makala ge eba ke... Ke elelwa lekga la mafelelo fa ka Kansas, ebole ga se re kgone go hwetša lefelo le legolo go lekanelo go ba bea. Kafao ke no makala: A—a ke nako gore ditsošeletšo, re tla ka nako ya go fošagala? Goba, ke eng, go diregile eng? Goba, a batho ga ba sa rata Kriste? Goba, a ke yona, ba lahlegetšwe ke tshepo ka go nna? Goba, ke a makala ke eng? Ke a tseba ke ne tirišano ye ntši, gobane ke bona mo pe—pe—pe—pe peakanyo le badiša ba Assemblies, le Church of God, le dikereke tša go fapano. Gomme ba... Sengwe se fošagetše.

Gosasa bošego, Morena ge a rata, ke tla... Ke rata go boloka Molaetša feela ka sebopego se sennyane gore yo mongwe le yo mongwe a kgone—kgone go kwešiša, ebole le... bao ba ka se kwešišego. Gomme ka gona gosasa bošego ke nyaka go ba le, bontši goba bonnyane, mohuta wa tirelo ya boebangedi, bakeng sa Mokibelo bošego.

Gosasa mosong ke Banna ba Kgwebo ba Full Gospel. Gomme ke a nagana go ne sehlopha sa bona ba dutšego fa. Ke difihlolotša bona. Ke a ba bolelela boditšhabatšhabang. Gomme gabotse, ke rwala karata e tee ka potleng ya ka, gomme yeo ke Banna ba Kgwebo ba Full Gospel. Ke baakaretšadikereke. Ke ka baka leo nka kgonago go ba le karata ya bona, ke ka baka la gore ga ke kgone go no re, “Ke nna wa Assemblies”; “Ke nna wa United”; “Ke nna wa Church of God”; goba... Le a bona, seo se lahla khuetšo yohle ye nnyane ye ke nago le yona, go mokgatlo wo motee.

Ke a dumela bana ba Modimo ba šwalalane ntle mogohle. Ba—ba gohlegohle. Gomme ge la mathomo ke etla godimo fa (nnete, le a tseba ke be ke le Mobaptist), gomme ge ke etla godimo fa magareng ga Pentecostal, batho ba Full Gospel, ke ipshina ka boitemogelo bja tswalo ye mpsha, le kolobetšo ya Moya wo Mokgethwa, go ya pele, ke naganne, “Seo ke se se ba dirilego Pentecost.” Ke be ke sa tsebe gore e be e tletše ka—ka dikerekemaina tše nnyane tša bona beng, eupša ba bile le tše ntši bjalo ka ge Mabaptist ba na le tšona, kafao... (Lena Mabaptist le a kwešiša go na le Mabaptist a sekgalekgale, balokologi, legapilethata, mehuta ye mengwe yohle ya go fapano.) Kafao ke tlide godimo fa. Ke naganne, “Feel, ‘Pentecost’ go ra selo se tee.”

Ke sa E dumela. Re ka se kgone go kgatlofatša Pentecost. Ga se mokgatlo, ke boitemogelo. Le a bona? Yeo ke nnete.

Kafao, re na le dikopanelo tše nnyane, dihlopha, le go ya pele. Ga ra swanelo go fapano seng sa rena, eupša, ka tsela ye ba... .feel a batho, ke a nagana... .Ke boletše le ba bantši ba baetapele le go ya pele. Ga ke nagane e magareng ga baetapele, ke nagane e no ba, yo mongwe o tsena ka gare, o hudua se sengwe. Seo ke se sebotse ka fao Sathane a nyakago go dira, le a bona. Ge feela le thunyana seng sa lena, ga le mo thunye. Ge re no retolla difahlego tša rena go dikologa, le go ya go mo thunya, Kereke ye kgolo ya Modimo wa go phela e tla tla go mebala ya Gagwe; Kriste o tla tla. Ke dumela seo. O re letile go e dira. Gomme ke lekile bokaonekaone bja ka, go kgabola mengwaga ye ye lesomeseswai tšhemong, go leka go—go tlisa yeo mmogo, go bona dipelo tšohle di kopane bjalo ka e tee, ditente tšohle di ottolotšwe ka mošola wa mothalo wa mollwane.

Bjalo ka ge Ngwanešu Grant a boletše, e sego kgale go fetile, godimo ka Texas (ke be ke na le tirelo le yena.), gomme o rile, "Ngwanešu Branham, ke—ke rata kgopoloyeo." O rile, "O a tseba, e nkgopotša ka mothaka yo... .baagišani ba bangwe, bohole ba na le wona mapidibidi a mangwe, gomme—gomme yo mongwe le yo mongwe o a beile ka mogobeng wo monnyane ka mafuri, gomme o beile legora go o dikologa." O rile, "Gabotse o a tseba, e ile ya na le go na," (Le tseba ka fao Ngwanešu Grant a kgonago go bolela ka go nokologa.) o rile, "mogobe wo monnyane o tšwetšepele o hlatloga ka jarateng ye nngwe le ye nngwe go fihla o fihla bogodimo kudu o fihla ka godimo ga magora," gomme o rile, "mapidibidi a no thutha gohle go dikologa." A be a se sa ageletšwe gape. Kafao ke nagana ge re ka no dumelela phulawatle ya ditšhegofatšo tša Modimo go hlatloga le go hlatloga, le a bona, go fihla bohole re tla ba ka mogobeng wa go swana, goba, letsha la go swana. Ka morago ga tšohle, ke rena. Ke dithutotumelo tše dinnyane le dilo tše di re aroganyago. Eupša go beng bana ba Modimo, bohole re ka tlase ga Lapa le tee: Modimo.

Monna o kile a ba le tšhemo ya lehea. Monna yo mongwe o bile le tšhemo ya lehea. Mofofiši o be a tla fofela godimo, a re, "Lebelela lehea la moisa yo, le lehea la moisa yola. A mašemo a mabotse a lehea." Lehea lela le ile la tšwelapele le gola le go gola go fihla morago ga lebakana, le fihlile go kgabaganya legora, le go dira tšhemo ya lehea e tee ye kgolo. Kafao ke nagana ke ka tsela yeo go swanetšego go ba. Re no... .Ge re gola nthatana gannyane. Eupša ge feela re sa le meganyaganyane, re fele re sa nno agelelwa. Eupša ge re gola, go ka se be phapano ye e itšego ka tšhemong. Bohle re tla ba tšhemo e tee ye kgolo. Modimo efa, letšatši leo, gore ke tla kgona go e bona pele ke tloga.

Bjale, elelwang difihlolo tša Borakgwebo tša mosong di swarelwka... .A e be e le Ramada? Goba, [Ngwanešu o re,

“Holiday Inn.”—Mor.] Holiday Inn. Yona Holiday Inn. Gomme yo mongwe le yo mongwe o a mengwa. Gomme ke nagana ba tla ba le dithekethe kua, ka tsela efe, golebjalo ba a e dira. Gomme Banna bale ba Kgwebo ba Full Gospel, go lena borakgwebo, fa, ke sehlopha se sekaone sa batho. Ke—ke a le botša, ke a nagana motho yo mongwe le yo mongwe wa Ebangedi ya go tlala o swanetše go ba ka fale, bakeng sa kopanelo. Ka kgonthé ke therešo. Ba na le dilo tše kaone. Gomme bjalo ka ge ke ba boditše (ke a ba bolelela boditšhabatšhabeng), eupša, neng kapa neng ge ba dira kerekéléina go tšwa go yona, go ya go goga legora, nako yeo karata ya ka e ya morago, uh-huh, ga ke nyake seo, ke . . . go swanetše go lokologa go yo mongwe le yo mongwe.

Kafao, le a tseba Jakobo o epile sediba, gomme Bafilisita ba ra. . . . ba mo raka go tloga go sona, gomme o se biditše “Lonya.” O epile sediba se sengwe, gomme o se biditše “Kgogakgogano.” Morago o epile sediba sa go latela, o rile, “Go ne sekgoba go rena bohle.” Kafao, re nwa go sediba sela bjale, moo go nago sekgoba bakeng sa rena bohle, yo mongwe le yo mongwe.

Bjale, yo mongwe le yo mongwe o ikwela gabotse? E reng, “Amene.” [Phuthego e re, “Amene.”—Mor.] Seo ke se sebotse. Seo, seo se kwagetše gabotse. Ke rata seo. Amene, go ra gore “a go be bjalo.” Yo mongwe. . . . Ke be ke rera nako ye nngwe, go be go le mošemané yo e bego e le wa First Baptist Church ge ke be ke le ka go Missionary Baptist, gomme ke be ke rera. Go be go le kgaetšedi tsoko ka kgonthé a ipshina ka yona gomme o ile a lla le go goelela. Gomme o be a le sebapadi sa kgwele ka kgonthé, gomme o kopane le nna matšatši a se makae ka morago ga fao. O rile, “Ke tlide godimo go go kwa bošegong bja go feta, Billy, eupša,” o rile, “Ga se ke kgone go e dire ka gore bona batho bohle ba re, ‘Amene.’”

Gomme ke rile, “Oo.”

Gomme o rile, “Mosadi yola a bego a dutše godimo fale a lla,” o rile, “seo se nno ya godimo ga megalatšhika ya ka gampe kudu.”

Ke rile, “Oo, ga se ya swanela go dira seo.” Ke rile, “Ga—ga ke nagane . . .”

O rile, “Gabotse, ga ke kgone go eleletša Legodimo le le ka mokgwa wola.”

Ke rile, “Ka kgonthé ke a kgona.”

O rile, “Gabotse, seo se no dira meroromelo go kitima godimo ga mokokotlo wa ka.”

Ke rile, “Ge o ka tsoge wa fihla Legodimong, o tla gatsela go iša lehung, ge o ekwa sehlopha sela sa lešata godimo Kua. Uh-huh, uh-huh. Wena o . . . Le ke lefelo la go homola kudukudu o ka tsogego wa le phela. Ke tla go botša seo. Gobane ge o eya heleng go tla ba le go lla le go golola le ditsikitlano tša meno. Ge o eya

Legodimong, gobaneng, ebole le Barongwa ga ba eme, mosegare le bošego, ba goletša, 'Mokgethwa, mokgethwa, mokgethwa, ke Morena Modimo Ramaatlakamoka.' O a bona? Gobaneng, bjalo, 'Dihaleluya!' le, 'Diamene!' le, 'Tumišang Morena!': gabotse, ga se nke wa ke wa kwa se sebjalo, go fihla o ekwa kopano yela godimo Kua."

Kafao, le ke lefelo la go homola. Gomme ka mehla ke be ke boifa e ka ba eng ya go homola. E kwagala e hwile. Kafao, ga—ga ke kudu go dilo tša go hwa. Kafao, e ka ba eng ntle le maikutlo e hwile. Diphatišišo tša saense di tla netefatša seo: e ka ba eng ntle le maikutlo. Kafao ge boitemogelo bja gago bo se ne maikutlo a mannyane ka go bjona, bokaonana o bo boloke le go hwetša se sengwe seo se nago le maikutlo ka go sona. Yeo ke nnete. Ke therešo tlwa.

Bjale, bohole re ratana le Yena, ke na le nnete. Eupsa go na le go fola go gogolo magareng ga batho. Tsošeletšo e fedile. Mello e a tima. Le a bona, ke nako bakeng sa se sengwe go direga. Le a tseba, ka tempeleng ya kgale ya Roma, tempele ya Vesta, ge mello e timile, yo mongwe le yo mongwe o ile gae, kafao go be go se taba ya go dirwa. Ke nagana gore ke... Ke no ba e ka ba Setswiyallegotlo go lekanelo go dumela seo, gore go—gore go swanetše go ba ka tsela yeo.

² Bjale ke a nagana, bošegong bjo, ke e tlogetše bošego bjo bongwe le bjo bongwe, eupša...ke—ke rata go hlompha Lentšu le la Modimo, ka gore ke nagana gore ke Lentšu la Modimo, gomme Ke Yena. Ke Yena ka sebopego sa letere. Letere ka bolona, ke, o swanetše go ba le Moya fao go phediša letere. Kafao bjale bakeng sa ditlhompho go Lentšu le, a re emeng ge re Le bala. Mokgethwa Mareka, tema ya 7 le go thoma ka temana ya 24, le go bala go theoga temana ya 30, go akaretša. Lena ba le nago Beibebe ya lena, le mohuta wa go rata go tšea sehlogo sa feela go bjala go gonyanye ga female mohlomongwe, ga peu e se kae gape bošegong bjo, go aga tumelo yela go fihla nako e etla.

³ Gomme ge ke ikwela gore Moya o file sehloa sela, thwi nako yeo yo mongwe le yo mongwe wa lena o tla biletšwa sefaleng. Le se ke—le se ke la tshwenyega, e tla ba thwi nako yeo. Eupsa go fihlela Moya wola o fihla go lefelo lela moo o ikwelago gore batho ba o hweditše!

⁴ Mohola wa go tla godimo mo ke eng, ge o no sepelela godimo mo? O sepela go kgabola mothalo wa Tommy Hicks, le Tommy Osborn, le Oral Roberts, le morago le pele, go kgabola mothalo. Go no fokodiša tumelo ya gago. Yeo ke phetho.

⁵ Ge o etla fa ka tiišetšo ya go tlala gore ga o sepelele pele ga ngwaneno, goba e ka ba mang gape, o tla fa gobane Moya wa Modimo ka go wena o go laleditše go tla, se sengwe se ya go direga. Ga go selo go o thibela go sona. Go fihla nako yeo, o no ba mosepelong, thwi go dikologa; modiredi yo a latelago o tla ka

toropong, thwi go dikologa; modiredi wa go latela o a tla, thwi go dikologa. Seo ga se sa loka. Ga go selo ka go moreri, go no swana le ge go le ka go monnamogatša wa gago goba ngwanenno, goba e ka ba mang a ka bago. Re no ba baemedi ba Gagwe, re le botša Lentšu. Ba bangwe ba bona ba ne dimpho tša go fapano, e lego Beibebe e bolelago ka dimpho tše. Se sohle se dirwa go hlatsela Bogona bja Gagwe.

⁶ Bjale ge nkabe e be e le nna, goba wena go nna, ge le sa kgone go tšea lentšu la yo motee go yo mongwe, gobaneng, seo se be se tla e ruma. Eupsa Modimo, wa go tlala ka kgaogelo, O rometše dimpho le tiišetšo, go netefatša, gomme feela gore... O pelotelele kudu, boleta le botho kudu, go fihla A—A sa nyake yo mongwe a lahlega goba yo mongwe a gobala. O nyaka go ba le kgonthe gore yo mongwe le yo mongwe wa lena a tsene ka gare. Go lokile.

⁷ Bjale a le swere Dibeibebe di butšwe go tema ya ⁷ ya Mokgethwa Mareka, gomme temana ya 24.

Gomme go tloga fao o tsogile, gomme o ile ka melwaneng ya Tiro le Sidone, gomme a tsena ka ntlong, gomme a se ke... a se ke a rata motho go e tseba: eupša ga se a kgone go utama.

Ka gore mosadi yo a itšego, yo morwedi wa gagwe yo moswa a bego a na le moyo wa ditšhila, o kwele ka yena, gomme a tla gomme a wela maotong a gagwe:

Gomme mosadi e be e le Mogerika, Mosirofenike ka setšhaba; gomme o mo kgopetše gore o tla leleka diabolo go tšwa go morwedi wa gagwe.

Eupša Jesu o rile go yena, A bana ba khore, ba khore pele: ka gore ga gwa swanela go tšea borotho bja bana, le go bo lahlela go... dimpša.

Gomme a araba gomme a re go yena, Ee, Morena: go le bjalo dimpša ka tlase ga tafola di ja... marathana a bana.

Gomme o rile go yena, Bakeng sa polelo ye eya ka tsela ya gago; diabolo o tšwile go morwedi wa gago.

Gomme ge a tlide, o be a etla ntlong ya gagwe, o hweditše diabolo a ile ntle, gomme morwedi wa gagwe a robala godimo ga mpete.

⁸ Bjale a re rape leng, gomme ka dihlogo tša rena di inamišitšwe, le dipelo tša rena. Ke a makala, ge re sa rapela, ke ba bakae ka fa ba ka ratago go gopolwa ka thapeleng bakeng sa se sengwe sa go ikgetha, a o ka phagamisa seatla sa gago, mohlomongwe, "Morena, a nke e be nna, bošegong bjo," le a bona, goba, "Ke na le moratwa, a nke e be bona, bošegong bjo."

⁹ Tate wa rena wa Legodimong, Wena o tseba ditlhoko pele eibile re kgopela. Jesu o re rutile gore, "Tatago lena o tseba se le se hlokago pele le kgopela," eupša go le bjalo re a go kgopela.

¹⁰ Ge A lebeletše go puno, O be a le Morena wa puno, gomme O rile, “Puno e budule, bašomi ga ba nene; rapelang Morena wa puno, gore A ke a romele bašomi ka punong ya Gagwe,” a itira Yenamong le motho go tlemagana mmogo gore O šoma feela ka sedirišwa sa motho. O kgethile motho go Mo šomela. A ka be a kgethile letšatši go rera Ebangedi, A ka be a kgethile diphefo, goba mehlare, goba dinaledi. Eupša O kgethile motho, o itšhira ka Boyena ka gare, o ikuta ka Boyena go tšwa go mosedumele, o ikutolla ka Boyena go yo A ratago.

¹¹ Morena Modimo, re mo bošegong bjo e sego bakeng sa morero wo mongwe eupša go bona O ikutolla Wenamong go rena, ka go lebalela dibe tše re di dirilego, le—le go re thuša, le go tutuetša bakgethwa mmogo tseleng, go phološa badiradibe, go biletša bakgelogi morago go kopanelo ya Tate wa Legodimong le go Kereke ya Badumedi, Leitšibolo. E fe, Morena.

¹² O tseba se se lego ka morago ga se sengwe le se sengwe sa diatla tšela se ilego godimo. O tseba se se bego se le ka tlase ga sona, ka tlase ga pelo. O tseba tlhogelogo ya bona. Ke neela thapelo ya ka legatong la bona, gore O tla fa yo mongwe le yo mongwe wa bona ditlhologelogo tša bona. Diatla tša ka di be di le godimo, le tšona, Morena. Efa dikgopelo tša rena.

¹³ Šegofatša palo ya Lentšu la Gago. Gomme bjale ge re tšeа sehlogo, re a rapela gore O tla phutholla go rena kgwekgwe, gore re ke re Mo tsebe bokaonana. Gomme ge re tloga mo, bošegong bjo, a nke re bolele bjalo ka bao ba tšwago Emause, ka morago ga ge A tsogile go tšwa bahung. Gomme ba sepetsé le Yena letšatši lohle, ba boletše le Yena, gomme efela ga se ba tsebe O be a le Mang. Go na le ba bantsi ka toropongkgolo ye, Morena, bošegong bjo, ntle le pelaelo ba boletše le Wena le go sepela le Wena, gomme efela ga se ba ke ba lemoga Bogona bja Gago.

¹⁴ Eupša bošegong bjola, ge O...ge ba Go laleditše go tla ka gare le go dula le bona, Kleopa le mogwera wa gagwe, gomme ge O bile le mojako o tswaletšwe, gomme O dutše fase, O dirile se sengwe feela ka tsela ye O se dirilego pele ga papolo ya Gago. Ga go yo mongwe, motho a se dirilego ka tsela yeo. O se dirile ka tsela ya Gago Mong, gomme, ka yeo, ba tsebile O be o le Kriste yo a tsogilego. Ka pela O timeletše go tloga pele ga mahlo a bona. Gomme ka pelo ye bohwefo e tletšego thabo, ba itšoena bonabeng ka pela le baapostola ka moka, gomme ba re, “Ka nnete, O tsogile go tšwa bahung.”

¹⁵ Gomme ge re tloga moagong wo, bošegong bjo, a nke re Go bone o etla go lefelotiragalo le go dira dilo tša go swana O di dirilego pele ga go bapolwa ga Gago, bjalo ka ge O tshepišitše O tla bušeletša gape mo matšatšing a mafelelo. Gomme efa, Morena, gore ge re tloga, re tla ya boka bona, ra re, “A dipelo tša rena ga se tša swa ka gare ga rena, ge A be a bolela le rena

tseleng?” Ka gore re e kgopela Leineng la Gagwe le bakeng sa letago la Gagwe. Amene.

Le ka dula.

¹⁶ Ke rata go tšea feela lentšu le letee bakeng sa hlogotaba, bošegong bjo, gomme lentšu le ke nyakago go le tšea le bitšwa:
Go phegelela.

¹⁷ O ka no re, “Ngwanešu Branham, leo ke—leo ke lentšu le lennyane kudu bakeng sa batho ba makgolotharo goba makgolonne ba dutšego mo bošegong bjo,” goba e ka ba eng e lego fao; ke nna moahlodi wa go šokiša wa—wa—wa batheeletši. Gomme o re, “Leo ke lentšu le lennyane kudu.” Gabotse, ga se bo—bo bogolo, ke—ke—ke kgonthe se ke yago go se bolela ka lona.

¹⁸ Bjale, *phegelelo*, go ya ka Webster, ke—ke go ba...ke—ke lentšu, gore, o “go phegelela,” le gona, go ra go phegelela ka go leka go dira senepša, go leka go—go bea se sengwe godimo, go leka go dira se sengwe. O a phegelela ge o phegelela.

¹⁹ Bjale, Bakriste bohole ba swanetše go phegelela. Ba swanetše go phegelela. Gomme tsela e nnoši yeo o kgonago go—go dira se, sa pele ke go ba le tumelo ka go se o lekago go se dira. Gomme ge o se na le tumelo, o no ba o tabogela go sona, gona o—o—o ka se kgone, kgone go phegelela. Eupsa ge ka kgonthe o tseba ke Therešo, gona ga se gona se yago go go thibela, ka kgonthe o a phegelela nako yeo.

²⁰ Gomme motho wa mabaka ohle, yoo a kilego a kgona go dira e ka ba eng, gomme ba bile le tumelo ka go se ba bego ba leka go se dira, ba be ba phegelela.

²¹ Mohlala, go swana le yo re mmitšago tatago setšhaba sa rena, George Washington. O be a phegelela ge, yena, a leka go fihlelela phenyo yela godimo ga Mabritish, gomme a tshela Delaware ya aese. O be a phegelela. Go be go se selo... Mašole a gagwe, seripa sa bona, ba be ba se na le ge e ka ba dieta maotong a bona; maoto a bona a be a tatalwe ka mašela. Phefo e be e tšutla. Eupša o rapetše bošego bjohle, gomme o bile le phenyo ka pelong ya gagwe. Gomme go be go se sešole sa Mabritish goba selo gape se bego se eya go mo emiša, le bile le noka ya aese e be e ka se kgone. O be a rapetše go kgabola, gomme go be go se sešitiši se se yago go mo emiša. O be a phegelela, gomme o ile a fihlelela mošomo wo a bego a leka go—go o dira, ka baka la gore o be a na le karabo go tšwa go Modimo.

²² Ge monna a hwetša karabo ya gagwe go tšwa go Modimo, ga go selo se yago go mo thibela.

²³ Batho ba bantši lehono, bjalo ka ge ke tla ipoeletša nnamong go tloga bošegong bja go feta, ke re ba ne kholofelo sebakeng sa tumelo. O hwetša batho ba etla sefaleng, ba—ba nno agwa ka dikholofelo.

²⁴ “Eupša tumelo ke kholofelo ye e tiilego ya dilo tše di holofetšwego; bohlatse.” Ga se nonwane; ga se kakanyo. Ke se sengwe o nago naso. O šetše o na le sona. Gomme o no ba o thabile ka sona, tumelo yela o nago le yona, bjalo ka ge o ka ba ge o bile le kgontha ka seatleng sa gago.

²⁵ Mohlala, ka mokgwa wo, ge ke swerwe ke tlala go iša lehung; gomme llofo ya borotho e bitša kotara, ye e tla—e tla rekago llofo ya borotho. Bjale, ge ke na le kotara ka seatleng sa ka, ke nno thaba mo o ka rego e be e le llofo ya borotho, gobane ke boleng bja poreisi ya borotho.

²⁶ Gomme ge ke tseba ka pelong ya ka gore ke e amogetše, gomme ke a dumela gore Modimo o mphile yona, ke nno thaba ka tumelo yeo mo o ka rego ke be ke le ge nkabe ke fodišitšwe, gobane ke ya go fola, go le bjalo. Ke ne kgontha gonabjale, ga a gona a ka e tlošago go nna. Ke a tseba ke thereso, gomme nka kgona go phegelela ka seo.

²⁷ Ge Modimo a bolela se sengwe seo se yago go direga, boka dipono goba se sengwe. Ke bone dikete tše masome tša tšona, gomme ba bantsi ba lena le hlatse, gomme ga go le e tee ya tšona e kilego ya šitwa. Gomme ge Modimo a bolela e ka ba eng, ga ke... Ge A ka re, bosegong bjo, “Eya mabitleng a setšhaba, ka gore Ke ya go tsoša George Washington mo mosong,” Ke tla laletša lefase ka moka go tla go e bogela, e ya go direga.

²⁸ Lentšu la Modimo le ka se palelwe. Ga se nke A palelwa, gomme A ka se palelwe. Go selo se tee Modimo a ka se kgonego go se dira, gomme seo ke go palelwa. A ka se kgone go palelwa. Gomme Modimo ke Lentšu la Gagwe.

²⁹ Bjale, Noage o be a phela ka go lebaka la saense ge ba be ba le, mohlomongwe, ba kgonne go thunya ngwedi ka ratara. Jesu o rile e be e le letšatši la go swana le le. “Ka ge go bile bjalo ka matšatšing a Noage go tla ba bjalo ka go tleng ga Morwa wa motho.”

³⁰ Bjale, re a tseba, tlase ka Egepeta re bona diphiramiti tše. Re ka se kgone go di tšweletšagape lehono. Ga re ne maatla go e dira. Ba bile le go swara maatla a athomo, goba—goba mohuta tsoko wa maatla ao a agilego diphiramiti. Re ka se kgone go bea matlapa ale godimo kua, le ka mokgwa ofe. Ebile re ka se kgone go tšweletšagape disifintshe tšela. Ga go tsela ya go e dira. Ga re na le materiale wa go dira mmele wa go omišwa, go omiša mmele wo o lebegago ebile wa tlhago mengwaga ye dikete. Re lahlegetšwe ke bokgabo bjoo. Tai ye e ka se timelelego; dilo tše ntši ba bilego natšo nako yeo re foufetšego ka go felela go tšona. Gomme ba agile phiramiti yela e dutšego bogareng bjalo ka lefaseng, ga go kgathale moo letšatši le lego, ga go tsoge gwa ba moriti go e dikologa, ga go tsoge gwa ba moriti ka go phiramiti. Oo, bohlami, di—di—di didirišwa tše ba—ba bilego natšo, di kgole godimo bjale.

³¹ Gomme Noage o phetše ka go lela la bohlale, lebaka la saense. Noage o dirile. Gomme o be a le moprofeta, gomme Morena o mmreditše gore e be e eya go na. Gomme ka morago ga ge Noage a kwele segalontšu sa Modimo, e le moprofeta go segalontšu sa Morena, Lentšu la Morena le tla go moprofeta wa Gagwe, gomme o tsebile e be e eya go na; ga go kgathale se e ka ba mang gape a se boletšego, ge eba e kile ya na.

³² Gomme e be e se ya ke ya na pele. Modimo o nošeditše mmu, dimela, ka—ka go nošetša go tšwa didibeng, le go ya pele, ka lefaseng. Ga se gwa ke gwa ba lerus ka leratadimeng, eupša go le bjalo Noage o tsebile gore go be go etla meetse go tšwa godimo. O ya go e dira bjang? Yena ga a tsebe, eupša, o be a phegelela kudu, o ile gomme a aga areka go ya ka dinyakwa tše Modimo a rilego yena a e age, gobane o be a kwele segalontšu sa Modimo, gomme o be a eme ka Bogoneng bja Modimo ge segalontšu sa Modimo se dirwa go bonagala go yena.

Seo se swanetše go gotetša Kereke ye ya go tswalwa gape, go phegelela!

³³ Ga ke kgathale ke baswaswalatsi ba bakae ba segago ka yona, ke ba bakae ba rego go ka se be bjalo, gomme morago ba ya ntle fale gomme ba e netefatša ka saense, ba thunya ratara go ya ngwedding le go bontšha ga go na selo se bjalo ka meetse ka lefaufaung. Eupša Noage o tsebile gore ge Modimo, a eme ka Bogoneng bja Gagwe, gomme Yena ke Modimo yo a boletšego le yena, gomme O be a tsebagaditšwe ka go hlaka gore e be e le Lentšu la Modimo, gomme a eme ka Bogoneng bja Modimo, o be a—o be a phegelela. O be a tla aga areka, go le bjalo; gomme ga go yo a bego a nyaka go mo thuša, o be a tla e aga ka boyena. O be a phegelela ka baka la gore o be a tsebile gore e be e le Lentšu la Modimo, gomme o e agile.

³⁴ Ke kgona go nagana ka—ka fao Moshe, serutegi se segolo, o be a le setswerere kudu go fihla a kgona—a kgona go ruta bohlale go Baegepeta. O be a kgona go ruta barutiši. O tsebile yohle thu—thu thutamodimo ye Baegepeta ba e tsebilego, le ya lapa la gagwe la Bahebere. Gomme o be a le setswerere, monna wa bohlale, yo mogolo... Re a rutwa o be a le monna wa sešole. Eupša o paletšwemoka, ka baka la gore, selo se setee. O bolaile Moegepeta yo, gomme thuto ya gagwe e fedile; ge ba mo pharile molato nako yeo, “A o tla re bolaya bjalo ka ge o dirile Moegepeta?” A nagana baena ba gagwe ba be ba tla e kwešiša. Gomme o—o paletšwe gabohloko.

³⁵ Gomme seo se ntliša go kgopoloy a se. Ke lebaka, bošegong bjo, leo ditshepedišo tša rena di paletšwego. Ke ka lebaka leo re ka se tsogego ra kgona go ruta batho go Modimo. Re ka se tsoge ra kgona go ba dira kerekela go Modimo. Re lekile ditshepedišo tšohle tše, gomme tšohle di a šítwa, boka, di wele boka tora ya Babele. Gomme ka mehla di tla dira seo.

³⁶ Modimo, Modimo wa go se fetoge, o dirile sephetho sa Gagwe kua serapeng sa Edene, ka fao A bego a tla phološa motho.

³⁷ Gomme ge Modimo a ka tsoge a dira sephetho, se swanetše go dula ka tsela yeo ka mehla. A ka se kgone go fetoga. A ka se kgone go ba setswerere. Ke mothopo wa bohlale bjohle. Ga go kgathale se saense ya rena e se bolelago, ge se le kgahlanong le Bohlale goba Lentšu la Modimo, se a fapanā, ga se sa loka. Ga ke kgathale se ka kgona go netefatšwa ka saense bjang, se sa fošagetše.

³⁸ Modimo o tšere sephetho O be a tla phološa motho ka Madi a a tšholotšwego a Yena wa go hloka molato. Ba lekile go aga ditoropokgolo, ba lekile go ba kopanya, ba lekile go aga ditora, ba ba rutetše ka go Yona, gomme ba ya kgojana nako yohle. O ka se tsoge wa kgona go phološa motho go fihla a etla morago go Madi. Leo ke lefelo le nnoši leo Modimo a ka tsogego a kopana le motho. E sego ka mahlale a gagwe, e sego ka ka fao a lego setswerere, ke monna ba bakae ba mo dirilego moprista, goba pišopo, goba mookamedi wa naga, goba e ka ba eng a ka bago, modiredi, motikone, ao ga se mafelo ao Modimo a kopanago le motho go ona. O kopana le yena mo mabaleng ge a le ka tlase ga Madi a tšholotšwego. Leo ke lefelo le nnoši Israele e kilego ya kgona go kopana le Modimo, go rapela, e bile ka tlase ga madi a tšholotšwego. Yeo ke tsela ye e filwego ke Modimo. Ga go tsela ye nngwe e tla šomago. Gomme ka tlase ga Madi a tšholotšwego, Modimo o kopana le motho gomme o ema ka bogoneng bja motho.

³⁹ Moshe, yo wa go tšhaba yo bohlale, moprofeta wa go tšhaba, ntle ka lehlakoreng la morago la leganata, gomme a nyala mosadi yo mobotse yo wa Moetopia, gomme o be a phela; o bile le ngwana, Gerisome yo monnyane. Gomme letšatši le lengwe ge a sepela go dikologa leganateng, lehlakoreng la morago la leganata, mokgalabje wa mengwaga ye masomeseswai bogolo, go be go lebega o ka re e be e le thwi ka ntle ga tšomiso, bjalo ka modiredi, eupša o hweditše sethokgwā se se bego se tuka ka Mollo gomme se be se sa swe. Gomme o ile ka thoko go bona se se diregilego, gomme a tla ka Bogoneng bja Modimo; gomme o kwele Bogona bja Modimo, o kwele segalontšu sa Modimo, ge a be a le ka Bogoneng bja Gagwe, ge Pilara ye ya Mollo e be e letše ka sethokgweng se, e bolela le yena. Moo, o be a boifa ebile go ya kgauswi le Egepeta, a tseba gore Farao o be a tla tšea bophelo bja gagwe, ga se gona se yago go mo thibela bjale.

⁴⁰ Gomme dinako tše dingwe ge monna a tsena ka Bogoneng bja Modimo, le go kwa segalontšu sa Modimo, o dira dilo tša go tsenelela kudu—kudu go go naganeng ga tlwaelo ga batho, e kwagala go se hlamatsege.

⁴¹ Letšatši la go latela bjale. Monna yo a bego a boifa go tšeа sešole go hlasela Egepeta, makgoba ohle a bego a le ka Egepeta,

o be a boifa go hlasela Farao ka mokgwa woo; šo yena, letšatši le le latelago, mengwaga ye masomeseswai ka bokgale, maledu a lekeletše tsela yohle go fihla mothalong wa letheka la gagwe, hlogo ya gagwe ya lefatla e phadima, lepara la go kgopama ka seatleng sa gagwe, mosadi wa gagwe o dutše godimo ga moula le yo monnyane lethekeng la gagwe, o ya tlase, ka mahlo a gagwe a beilwe godimo, o tagafatša Modimo.

“O ya kae, Moshe?”

⁴² “Ke ya tlase Egepeta, go thopa.” Tlhaselo ya monna o tee! Gobaneng? O be a le ka Bogoneng bja Modimo. O bone se Modimo a bego a ka kgona go se dira ka lepara. O be a sa tsebe se A bego a ka kgona go se dira ka sešole. O tsebile se A bego a ka kgona go se dira ka lepara.

⁴³ Ga ke tsebe se A ka kgonago go se dira ka kerekeline. Ke tseba se A ka kgonago go se dira ka monna yo motee yo a tla ineelago yenamong ka go felela go Yena. Sohle A se hlokago, motho yo motee, yoo ke wena. Ka gona o a phegelela. Ga go selo se yago go mo emiša.

⁴⁴ Moshe o be a tlie ka Bogoneng bja Modimo, o kwele segalontšu sa Gagwe ka go—go leswao la mohlolo. O tsebile O be a le Mollo wo o jago, gomme šo O ka go Pilara ya Mollo morago ka sethokgweng. Thuto ya gagwe yohle, thutamodimo yohle ya gagwe, e mo tlogetše. Gomme o tsebile selo se tee: go be go le Modimo, gomme o be a ne ditaelo tša Gagwe. Lepara la go kgopama le be le lokile go lekanel. O be a le ka Bogoneng bja Modimo.

⁴⁵ Ga go dire phapano ye e itšego gore ke ba bakae banna ba ba hlahlilwego ka Egepeta ba bilego nabo. E ka ba sefe sa dilo tše se be se sa re selo go Moshe. O be a le ka Bogoneng bja Modimo, gomme o be a phegelela. O ya tlase go thopa, kgahlanong le dikotse le monna yo a hlahlilwego, ka dikete tše masome, ka lepara la go kgopama ka seatleng sa gagwe. Mo emiša ge o ka kgona. Ga go selo se ka kgonago go mo emiša. Gomme o e dirile, o ile tlase le go thopa gobane o be a phegelela ge ka go felela a tsebile gore o be a le ka Bogoneng bja Modimo, gomme o be a kwele segalontšu sa Modimo go tšwa Bogoneng bja Modimo. Amene. E sego feela segalontšu se be se le, eupša e be e le segalontšu sa Lengwalo.

Go na le mehuta yohle ya digalontšu. Se hlahlofe ka Lentšu.

⁴⁶ Segalontšu se rile, “Ke nna Modimo wa Abraham, Isaka le Jakobo. Ke dirile tshepišo gore Ke tla lokolla batho bale. Nako e batametše. Ke kwele motsetlo wa bona, ke bone bagapeletši ba bona ba ba imetša, gomme Ke gopola tshepišo ya Ka. Gomme Ke tlie tlase go ba lokolla, gomme Ke go roma go e dira.” Seo se gabotse go lekanel. O bone Letago la Gagwe, gomme šole o ile.

⁴⁷ Dafida o be a phgelela kudu ge a etla godimo go mama madira a Israele, a bego a eme ka go bofori ka nako yeo,

gomme go kgabaganya nokana ye nnyane gomme mošola ka lehlakoreng le lengwe go be go le mo—mo Mofilisita. Go be go le Goliate, mohlohli yo mogolo, e ka ba bogolo gabedi le bogodimo bja monna wa mehleng, menwana ya diintšhi tše lesomenne; le lerumo le legolo, dikgato tše mmalwa botelele, a bego a ka kgona go ema kua le go no topa monna godimo ga lona, ka mokgwa *woo*, le go ba lahlela kgole; ba ba phuthela ntle, ba ba topa godimo ka lerumo le go ba lahlela go tloga, ge ba etla go rotoga thaba.

⁴⁸ Gomme ge lenaba le tseba gore o na le seatla sa godingwana godimo ga gago, o rata go ikgantšha. Kafao o rile, “A re se be le madi a mantši bjalo a tšollwago.” O rile, “Saulo, a nke ba bangwe ba monna wa gago ba tle godimo fa le go lwa le nna. Gomme ge nka mmolaya, gabotse, gona, le a re hlankela. Eupša ge a ka mpolaya, re tla le hlankela.” Le a bona, ge lenaba le na le seatla sela sa godingwana!

⁴⁹ Gomme lešole le lengwe le le lengwe le be le no tlakgasela kudu go fihla a—a sa kgone go swara tlhamo ya gagwe godimo. Gomme Saulo, wa go kgona kudu go bona bohole, hlogo le magetla ka godimo ga madira a gagwe, o be a ka se leke go mo kgwaththa, gomme efela o swanetše go ba motlotšwa wa Morena.

⁵⁰ Eupša go tšwa lešokeng go tlide, yo monnyane wa magetla a go kobama, mothaka wa go lebelelega bohubetšwana, yo a bego a na le seragamabje ka seatleng sa gagwe. Gomme tšitsiripa yela e dirile boikgantšho bja gagwe pele ga monna wa go fošagalala. Gomme Dafida o rile, “A le nyaka go mpotša gore le tla tlogela lešoboro lela la Mofilisita le eme fale le go nyatša madira a Modimo yo a phelago? A le ra go mpotša gore le tla dira selo se sebjalo ka seo?”

⁵¹ Bjale banababo ba rile, “Bjale o a seleka. O boela morago ntle kua go dinku, mo o lego wa gona.”

⁵² Gomme ditaba tša tla go Saulo. Saulo o rile, “Tlišang mohlankana mo, a nke ke mo lebelele.”

⁵³ Gomme ge a etla godimo, yo monnyane wa go kobega, moisa wa go lebega bohubetšwana a eme fale, go molaleng moriri o lekeletše fase ka mahlong a gagwe. Gomme o rile, “Gabotse, wena, o ka se kgone go lwa le monna yola.” O rile, “Ga o selo eupša moisa yo monnyane, monna yo monnyane—yo monnyane yo mohubetšwana, le ka bosweng bja gago. Gomme o bile mohlabani ge e sa le bosweng bja gagwe.” O rile, “O ka se kgone go lwa le yena. Ke kgahlwa ke sebete sa gago, eupša...ke se segolo kudu.”

⁵⁴ Go diregile eng? O rile, “A nke ke bone ge eba o ka šomiša tlhamo ya ka.” Kafao o beile tlhamo ya gagwe godimo ga gagwe, a mo fa kotse ya gagwe.

⁵⁵ Gabotse, Dafida yo monnyane wa go šokiša o be a sa kgone go ema. O—o—o rile o—o be a sa tsebe selo ka yona. O hweditše gore besete ya bokereke ya Saulo e be e sa lekane monna wa Modimo.

⁵⁶ Kafao o rile, "Ke tla mo romela kgole le go mo tsenya sekolo, Ph.D., LL.D., le go ya pele, le go bona se a ka kgonago go se dira ka yona."

⁵⁷ O rile, "Ga ke tsebe selo ka dilo tše. Di tloše go nna. Ga—ga ke tsebe selo ka se."

⁵⁸ "Eupša sese selo se tee ke se tsebago. Ke be ke dišitše dinku tša tate wa ka, gomme tau ya tla ka gare le go tšea e tee ya tšona. Gomme ke ile ka morago ga gagwe, gobane tate wa ka o be a mphile taolo go hlokomela dinku tšela." Amene. Gomme modiši e ka ba ofe yo mobotse ke mohlokemedi wa dinku. Gomme o rile, "Ga ke ne selo eupša seragamabje se ka seatleng sa ka, eupša ke mo rathetše fase; gomme ge a tsogile kgahlanong le nna, ke mmolaile. Gomme bera e tlile ka gare gomme ya swara e tee. Ke kitimetše ka morago ga gagwe le go e tšea go tšwa molomong wa gagwe; gomme ge a tsogile, ke mmolaile." Gomme o rile, "Ke bontši gakaakang Modimo wa Israele a tla, Modimo wa Legodimo, a gafelago lešoboro lela la Mofilisita ka seatleng sa ka!"

⁵⁹ Moisa yo monnyane yola o be a phegelela gobane o tsebile se a bego a bolela ka sona. O tsebile Yo a mo dumetšego, gomme o be a fenyegile ka botlalo O be a kgonago go boloka seo a se gafetšego go Yena kgahlanong le letšatši. Bjale o be a no ba le seragamabje, seo ke sohle a bego a na le sona. O rile, "Ke tla ya go lwa le Mofilisita." Ka gore, lebaka le a bego a phegelela kudu, o tsebile ge Modimo, ka tlase ga tlhokomelo ya dinku, o mo thušitše go hlakodiša dinku morago go tatagwe, ke bontši gakaakang motho.

⁶⁰ Bjale naganang ka seo, badiredi bohle. Gomme re ikwela ka tsela yeo ka lena dinku, bošegong bjo. Diabolo o tlile gomme a go itia ka bolwetši. Yeo ke therešo. O go tšeetše ka ntle ga go phelega go gobotse. Ga—ga ke na le Ph.D. Ga ke na le LL.D. Ebile ga ke na le thuto ya sekolo sa popopolelo. Eupša ke tseba se ke nago le sona. Ke tla ka morago ga gago, bošegong bjo, go go tlisa morago go mafulo a matala a moriti le meetse a makhutšo. Seo ke se re lego mo sefaleng bakeng sa sona, bošegong bjo, ke go tla go go tšea, go go hlothola go tšwa seatleng sa tau ntle kua, go go tlisa morago. Kgotlelang, theetšang kgauswi gomme le šetše, lekang go hwetša se re lekago go se dira, ke go leka go le thuša.

⁶¹ Bjale, Dafida o be a phegelela kudu, ka baka la gore o be a tseba Yo a bego a mo dumela, gomme o be a tseba gore o be a kgonago go dira; se a se gafetšego go Yena, O be a kgonago go se boloka.

⁶² Re hwetša gore, Simisone, moahlodi yo mongwe yo mogolo ka Israele, le gore batho ba bangwe ba swantšha Simisone bjalo ka go ba le ma—ma magetla e ka ba go swana le mojako wa ntlopolokelo; bjale go ka se be selo sa go tlaba ka seo, go bona monna yo a ka kgonago go topa dikgoro tša Gasa le go sepelela ntle le yona, goba go tšea tau le go e goga go arogana. Eupša,

le a tseba, Simisone o be a no ba gannyane nthatana...ka tlhagišo ya mokgotheng, kgopana ye nnyane, yo monnyane wa nthatana, hlogo ya kgale ya dikhele, wa sesadi, mošemane wa mama, dikhele tše šupa. E be e le selo sa go tlaba. Ge, ba naganne gore monna, monna yo mogolo bogolo wa kgato tše lesome, o be a kgona go topa tau, nnete, le go mmolaya. Eupša selo sa go makatša e bile, moisa yo monnyane yo o bonagetše a hloka thušo go fihla Moya wa Morena o etla godimo ga gagwe. E be e se Simisone. E be e le Moya wa Morena.

⁶³ Ke ka lebaka leo e bego e se baapostola. Jesu o ba kgethile bohole, ka kgonagalo yo mongwe le yo mongwe wa bona ntle le ebile thuto ya go lekanelo go saena leina la bona. Yena ga se a kgetha baprista. Yena ga se a kgetha baithutamodimo. O kgethile batheadihlapi le badiši, ba go se tsebe le go se rutege, gore A kgone go tše bao ka seatleng sa Gagwe, le go se tše selo le go dira se sengwe go tšwa go yona. Yeo ke tlhago ya Gagwe. Kafao ga A tše dikolo tše di hlahlilwego le dirutegi tše di hlahlilwego, O tše se sengwe seo se lemogago ga se selo. O tsena ka go sona le go dira se sengwe go tšwa go sona.

⁶⁴ Re hwetša gore Simisone yo e be e le Monasare, o be a na le dikhele tše nnyane tše šupa tše di bego di lekeletše go theoga mokokotlo wa gagwe. Gomme ge Moya wa Morena o etla godimo ga gagwe, o be a sa boife selo. Gobaneng? O be a phegelela ge feela a be a kgona go ikwela keno yela ya Monasare le yena. Ge feela a ka kgona go fihla morago mo le go ikwela mahuto ale, o tsebile gore o be a le ka go thato ya Modimo gomme ga se gona se bego se ka kgona go mo tlema. Toropokgolo ga se e kgone go mo tlema. Tau ga se e kgone go mmolaya. O tšere lerapo la mohlagare wa moula, gomme le omile, gomme a itiela Bafilisita ba sekete fase, ka lona.

⁶⁵ A le a tseba dihelemete tšela, dihelemete tšela tša mphiri, di be di le godimo ga bokoto bja intšhi? Le tseba se se bego se tla direga ge lerapo la kgale la go oma ka leganateng le be le tla itia kgahlanong le yeo? Gobaneng, le be le tla phatloga diripa tše milione. Eupša o eme fale, ka seatla se tee, ka lerapo le la mohlagare la moula, gomme a itia ka godimo ga hlogo ya bona, gomme a bolaya sekete sa Bafilisita. Gobaneng? O be a phegelela. Nako le nako ge a itia, o ikwetše keno yela ya Monasare e sepelela morago godimo ga gagwe.

⁶⁶ Ke bontši gakaakang kereke e swanetšego, bošegong bjo, yeo e tleleimago gore o tswetšwe ka Moya wa Modimo! Ema ka kopanong gomme o bone go hlatselwa ga Jesu Kriste yo a tsogilego, le go tleleima go tlatšwa ka Moya wo Mokgethwa, le go kgona go dula go iketla le go dumelela Sathane go go kgorometša go dikologa boka a dira? Ke selo sa go tlaba. Ge feela o ka kgona go kwa Bogona bja Moya wo Mokgethwa, go tseba gore ke Lentšu la Gagwe le tshepišo ya Gagwe bakeng sa letšatši le, o swanetše

go phegelela go gatelela ka gare go fihla e fedile. Go phegelela! Dula le yona! Modimo o e tshepišitše. Ga se wena. Ke Modimo!

⁶⁷ Go reng ka kgarebe ye nnyane Maria. Bjale go lena basadi. Bjale o be a no ba mosetsana wa mehleng yo a phetšego ka go toropokgolo ya kgonthe ye mpempe go feta Topeka. Gomme o phetše fale, eupša o phetše bophelo bja go hlweka bja go otlologa, gomme o be a beeleditšwe go monna ka leina la Josefa. Gomme letšatši le lengwe o be a le tseleng ya gagwe go ya sedibeng, go ga meetse, gomme Seetša se segolo sa tšwelela pele ga gagwe. Gomme Morongwa o eme fale, e bego e le Gabariele, gomme o mmoditše gore o be a eya go—go belega ngwana, a sa tsebe monna. Gomme ka nako ya go swana, o boletše ka Elisabetha, motswala wa gagwe—wa gagwe yo a bego a tšofetše, mosadimogatša wa Sakaria, gomme o be a imile ka letšatšing la gagwe la kgale.

⁶⁸ Gomme bjale Maria, o ka kgona go eleletša se lesego le tla bago go batho, go nagana gore mosetsana yo moswa yo, a yago le mošemané yo, go iketla, gomme mo o laetša go ba mme. Eupša e be e sa dire phapano ye e itšego go yena. O be a le ka Bogoneng bja Modimo. O be a kwele Segalontšu la Modimo. O be a sa tshwenyege ka dikwero tša batho, goba go sega batho, goba se ba se boletšego ka yona. O be a phegelela. O ile godimo go kgabola naga ya thaba!

⁶⁹ Gomme basadi nako yeo ba be ba se boka ba le bjale, ba tšwela ntle fa ba apere dišothi; le matšatši a mmalwa pele ga go belega, ntle mokgotheng pele ga monna. Yeo ke kgobogo go batho. Yeo ke mnnete.

⁷⁰ O ikutile yenamong. Gomme Maria yo monnyane o tlie godimo pele a be a ka ba mme, gomme o ile godimo ka dithabeng tša Judea go bona Elisabetha. Gomme ge Elisabetha a be a ikutile yenamong, ntle le pelaelo, mosong wo mongwe, a lebeletše go kgabola garetene, o bone mohumagadi yo moswa yo a etla, a kitima, gomme o e lemogile go motswala wa gagwe—wa gagwe, Maria. Gomme bjalo ka basadi nako yeo, ba ratile go bonana seng, ba be ba le bohlokwa kudu go bona seng, o kitimetše ntle, mohlomongwe, gomme a lahlela matsogo a gagwe go mo dikologa le go mo gokara, gomme a mo dumediša.

Gomme o rile, “Ke a kwešiša gore o swanetše go ba mme.”

“Ee.”

O rile, “O a tseba, ke swanetše go ba mme, le nna.”

“Oo, wena le Josefa le šetše le nyalane?”

“Aowa, ga se ra nyalana.”

⁷¹ Gomme o bone o be a bontšha go ba mme. O rile, “O ra, morategi, gore wena le Josefa ga se la nyalana le bjale, gomme o swanetše go ba mme?”

“Ee.”

“Se se tla ba bjang?”

⁷² “Moya wo Mokgethwa o tla apeša ka moriti, ke go...o nkapešitše ka moriti. Segalontšu sa Modimo se boletše bjalo.” Gomme o rile, o rile, “Ke a tseba gore o swanetše go ba mme, le wena.”

⁷³ O rile, “Ee, eupša e šetše e le dikgwedi tše tshela le nna, gomme ke—ke a tshwenyega gobane lesea ga se le šo la šišinyega.”

⁷⁴ Bjale, mang kapa mang o a tseba gore seo ka go felela se ka ntle ga tlwaelo; dikgwedi tše pedi goba tše tharo, gomme bophelo bo a kwewa. Eupša se e bile dikgwedi tše tshela, go se leswao la bophelo. Bjale lesea lela le be le hwile, dikgwedi tše tshela le se na le bophelo. O rile o be a tshwenyega ka yona.

⁷⁵ O rile, “Eupša Moya wo Mokgethwa o tlie godimo ga ka,” Maria o rile go Elisabetha, “Moya wo Mokgethwa o tlie godimo ga ka, gomme o nkapešitše ka moriti; gomme o rile ke tla ba le morwa, gomme O tla ba Morwa wa Modimo, gomme ke tla bitša Leina la Gagwe ‘Jesu.’”

⁷⁶ Gomme feels ka pela ge Leina lela la motho la Modimo, “Jesu,” le boletšwe ka dipounama tša go hwa, go tšwa go motho, lesea le le hwilego le tla bophelong ka popelong ya mosadi, gomme le amogetsé Moya wo Mokgethwa. Gomme ge seo se ka dira seo go lesea, le hwile ka popelong ya mme, le swanetše go dira eng go Kereke ye e tswetšwego gape? Lekga la mathomo Leina la Jesu Kriste le kilego la ke la bolelwa ka dipounama tša go hwa, lesea le hwile ka popelong ya mmago lona le tlie bophelong gomme la amogela Moya wo Mokgethwa. “Mme wa Morena wa ka o tšwa kae?” go boletše Elisabetha. “Ka gore ka pela ge tumedišo ya gago e tlie ditsebeng tša ka, lesea la ka le tabogile bakeng sa thabo ka popelong.”

⁷⁷ Gomme lehono re tleleima go ba le Moya wo Mokgethwa wola, le bofsegä ka Wona, re boifa go tšwela ntłe. Re swanetše go phegelela. Ge re na le Moya wo Mokgethwa wa nnete wa mmapale, re tla phegelela.

⁷⁸ Bjale ke ya kgolekgole, go tloga, ke ya kgole le sehlogo sa ka. Gomme še e nyaka go ba nako ya go thoma mothalo wa thapelo bjale, gomme ebile ga ka fihla go sehlogo sa ka. Se ke se sekopana kudu.

⁷⁹ Mosadi yo re bolelago ka yena, mosadi yo wa Sirofenike, o be a le Mogerika, gomme o be a kwele ka Jesu. Bjale, “Tumelo e tla ka go kwa, go kwa Lentšu la Modimo.” Gomme o be a kwele.

⁸⁰ Gomme, ka mokgwa wo mongwe, tumelo e hwetša mothopo wo ba bangwe ba sa o bonego. Nga—nga ngaka a ka re, “Ngwana, ke go dirile tšohle nka kgonago go go direla.” O bofelong bja tsela ya gagwe. Seo ke sohle motho a kgonago go se dira. O bona selo se gatetšepele gomme ga go selo a ka kgonago go se dira ka sona.

Eupša, le a bona, tumelo e hwetša mothopo wo a sa tsebego selo ka ona. Saense e ka se e netefatše, gobane tumelo . . .

⁸¹ Tlhamo ka moka ya Modimo ke ya kagodimogatlhago. Tlhamo ya Modimo ke eng? Lerato, lerato ke eng? Nnetefalaletsé ka saense go ne selo se sebjalo ka lerato. Le go kae? Lena, ke ba bakae ba ratago, phagamišetša seatla sa gago godimo; o ratago mosadimogatša wa gago, o ratago ngwaneno, o ratago bagwera ba gago? Gabotse, ke nyaka yo mongwe, saense tsoko, go netefatše go nna ke karolo efe ya gago e lego lerato. O le reka kae, ke lebenkele lefe la diokobatši? Ke nyaka sehlopha sa lona, lerato. Thabo, le na le thabo? Khutšo, pelofalo, boleta, kgotlelelo, ke eng? Yohle ke kagodimogatlhago.

⁸² Modimo ke wa kagodimogatlhago. Ga o netefatše Modimo ka sesaense. O dumela Modimo. O a e dumela. Ge o sa e dumele, gona, monna yo a rego “se sengwe le se sengwe seo e sego sa bosaense, ga se boorthodox, ga se sa loka,” gona monna yola a ka se tsoge a ba Mokriste. O swanetše go dumela. Ka tumelo re dumela Modimo; e sego ka thuto, e sego ka thutamodimo. “Eupša ka tumelo o pholositswe.”

⁸³ Elang hloko, tumelo e hwetša mothopo wo ba bangwe ba sa o bonego. Lentšu la Gagwe ke tšoša, Bahebere 4:12 e boletše gore, “Lentšu la Modimo le bogajana go feta tšoša ya magalemabedi, ebole le hlatha dikgopololo, maikaelelo a lona ao a lego ka pelong.” Leo ke Lentšu la Modimo. Gomme selo se nnoši seo se ka kgonago go swara tšoša yela ke seatla sa tumelo.

⁸⁴ Ga go selo gape se ka kgonago go e dira, ga go selo gape. O swanetše go bona selo se sengwe ka mokgwa wo mongwe, sesaense. Wena, ka saense, ka thuto, o ka se kgone go swara tšoša yela. O ka se kgone go e dira ka thuto; e phetlegile kudu, e raragane kudu; o a e dira, e tla e dira, e tla leka go ikgana Lonamong le se sengwe le se sengwe. O ka se kgone go e dira. Jesu o rile, “Le utetšwe wena,” kafao lebala ka lona. O ka se kgone go le tseba. Le utilwe. Gomme ge Modimo a uta e ka ba eng, ka kgonthe e utilwe.

⁸⁵ Ke ka baka leo o utilwego kudu, ge o le Mokriste. “Ka gore o hwile, gomme bophelo bja gago bo fihlilwe ka go Modimo, ka Jesu Kriste, le go tswalelelwá ke Moya wo Mokgethwá.” Diabolo o ya go go hwetša bjang? A ka se kgone go e dira. O utilwe. Modimo o a go uta. Amene. A lefelo la go khuta, mo sehubeng sa Jesu Kriste!

⁸⁶ Bjale, tumelo e a le swara, e a le hwidinya. Bjale o ka no se be go tia go lekanelo, letsogo lela la tumelo, go epa molete tsela yohle go e kgabola, le go sepela go kgabola boka bangwe ba kgonago. Eupša e no tšwelapele o betha, e tla tla. E no swarelela go yona.

⁸⁷ O be a na le dišitiši tše ntši, mosadi yo monnyane yo wa Mogerika, eupša tumelo ya gagwe e be e se na le se se itšego.

Tumelo ga e na sešitiši e ka ba sefe le gatee. Ga go selo se ka kgonago go šitiša tumelo. Ga go kgathale se e ka ba mang gape a se bolelago, ga se gona se šitišago tumelo. A re boneng tše dingwe tša "di ka no" tše di ka bego di mo diragaletše. A ka no . . .

⁸⁸ Yo mongwe, ba ka no ba ba rile go yena, "O Mogerika. Kerekeleina ya gago ga e thekge kopano ya Gagwe ka tšehelete." Eupša o be a phegelela, go le bjalo. O be a eya, go le bjalo, ka gore o be a kwele. "Gomme tumelo e tla ka go kwa." E sego ka tirišano; eupša ka go kwa.

⁸⁹ Elang hloko, ba ka no ba ba boletše se, gore, "O Mogerika. Ga o ka go legoro la bona la batho. Wena, fao-fao go . . . Ke letlalo la go fapano go tloga go wena. Ke morafe wa go fapano." Go le bjalo, seo ga se sa mo tshwenya. Seo ga se sa mo tshwenya.

⁹⁰ Gomme ba bangwe ba bona ba ka be ba tlide gomme ba rile, "Bjale tše ke ditšiebadimo. Matšatši a mehlolo a fetile. Ga go selo se sebjalo bjalo ka phodišo yela o kwago ka yona. O no ba lehlanya le lengwe le le godišitšwego." Nnete, ba na le mehuta yohle ya ditolara tša bofora, eupša go na le ya kgontha, felotsoko, e dirilwe go tšwa go yona. Yeo ke nnete. Bjale ba rile, "Matšatši a mehlolo a fetile, ga go selo se sebjalo. Seo e no ba sehlopha sa mahlanya tlase fale, feela ba bannyane ba go tlala seatla ba bona bao ba . . . Re bile le yona gohle mmogo."

⁹¹ Eupša, go le bjalo, se sengwe se rathile mosadi yola; o be a sa phegelela. Matšatši a mehlolo a ka no ba a be a fetile bakeng sa yo motee yola a bego a bolela le yena; eupša e sego go yena. A ka no ba a fetile bakeng sa bangwe ba badirišani ba gago, eupša e sego go wena, ge o na le tumelo.

⁹² Go ka no ba go bile le sehlopha se sengwe, mohlomongwe basadi ba bangwe ba eme khoneng, ba re, "Martha." Ke a holofela ga go Martha mo. "Martha, o a tseba ke eng? Monnamogatša wa gago o tla go tlogela, ka nnete ge o eya tlase kopanong yela. Bjale, ke a tseba morwedi wa gago o na le bolwetši bja go wa dihwahwa, eupša ke a go botša, e ya . . . Ge monnamogatša wa gago a ka tsoge a go swara o eya tlase fale! Ke wa ditlelapo tše kgolo le disosaete tša toropokgolo; ge o eya tlase kua, o tla go tlogela." Seo se be se sa re selo go yena. O be a eya, go le bjalo. Tumelo e be e šetše e swere. Tumelo ga e tsebe sešitiši.

⁹³ Gabotse, gona, go ka no ba go bile le sehlopha se sengwe tlase khoneng, seo se rilego, "O a tseba ke eng? O tla ba sesegiši sa kereke, gobane o ya tlase fale feela bakeng sa lefeela. Gomme batho ba ya go tseba o a ya. Gomme ka pela ge o tsebagaditšwe le bona, gona o tla ba sesegiši sa batho. Yo mongwe le yo mongwe o tla go sega." Seo se be se sa re selo se tee go yena, le gannyane. O be a phegelela.

⁹⁴ Sehlopha se sengwe se ka no ba se rile, "Ba tla go bea ka ntle ga kereke ya gago; ba tla go fa karata ya boleloko bja gago." Go

le bjalo, o be a phegelela. Seo ga se sa ke sa mo šitiša le gannyane. Ka baka la eng? O be a šetše a swere tumelo.

⁹⁵ Ke duma ge nkabe ke na le nako go ema mo diiri tše nne le go no le botša ka—ka maitemogelo ka selo sela sa go swana, gore basadi le banna le bana, ba ba bego ba ehwa; gomme, ka ditatamente tša dingaka, ba a phela, bošegong bjo, ka mogau wa Modimo. Gobane, se sengwe se ba swere, tumelo! Yeo ke kgopololo. Go lokile.

⁹⁶ O be a thubile go kgabola dikeiti tšohle tše, baswaswalatši bohole, bohole ba go sega, bohole “monnamogatša wa gago o tla go lahla; karata ya gago ya kopanelo e tlogile kerekeng, o tla swanela go hwetša se sengwe gape; o tla ba molahlwa; o tla bitšwa mopshikologimokgethwa.” Seo ga se se re selo go yena, gobane o be a šetše a bone Modimo. O be a kwele, gomme tumelo e tla ka go kwa. Gomme o tsebile gore ba bangwe ba be ba fodišitšwe, gobaneng morwedi wa gagwe a be a ka se kgone go fodišwa? Ke lena fao, o tlile go kgabola.

⁹⁷ Mafelelong o fihla maotong a Jesu, gomme elang hloko letšhogo! Batho ba bantsi ba nagana feela ka gore ba ka kgona go fihla kua, seo ke sohle se lego go yona; eupša o sa tšwa go thoma bjale. Ge a fihlile go Jesu, a go nyamišwa go yena; goba go ka be go bile, mohlomongwe, go rena mo letšatšing le. Jesu o rile O be ebile a se a romelwa go morafe wa gagwe.

⁹⁸ Ge nkabe e be e le ba bangwe ba lena Mapentecostal ba lehono, gobaneng, o ka be o šontše nko ya gago le go tloga, le go re, “A seo ke se e lego sona? Ge ba sa nthate ka Assemblies, ke tla tšoena Oneness. Ge ba sa nthate kua, ke tla ya kerekeng ya Modimo. Ga—ga ka swanela go kgotlelela dilo tše bjalo ka tše.” Aa, ke ka lebaka leo mehlolo e tlogile kerekeng. Ke ka lebaka leo tumelo e tlogile kerekeng. Le a bona?

⁹⁹ Le Jesu, yena Modimo! Se theetšeng. Yena Modimo yoo a bego a eya go mo rapela, le—le go fetola dikgopololo tša gagwe, le go tla go—go dumela go Yena; ge a fihlile go Yena, o hweditše legetla la go tonya.

¹⁰⁰ Le elelwā ke bolela bošego bja go feta ka matšoba a motswako le dilo? Bokriste lehono ke tšweletšogape. Ga se ya setlogo. Ge o bile le kolobetšo ya setlogo boka ba bile le yona morago kua, kereke yela ya pentecostal e be e tla ba . . . go be go ka se be le selo se ka e thibelago. E be e tla ba boka ntlo e tuka ka go boso bja go oma, gomme phefo ya go fiša e tšutla. Go be go ka se be le selo se ka kgonago go e thibela; e a tuka! Eupša ke eng lehono? Aowa, ke sehlopha sa go fapanana lehono. Kgopololo ya ka: ke tšweletšogape.

Elang hloko, O mo file legetla la go tonya.

¹⁰¹ Lehono re swanetše go ba phaphatha, “Ke tla go tshepiša; ge o ka no tla godimo, ke tla bea karata ya gago godimo ga puku ya ka godimo mo, lengwalo la gago, gomme ke—ke—ke tla bona se

nka kgonago go se dira. Re tla ya le poto ya matikone, go bona ge re ka se kgone go go bea mo potong ya matikone goba—goba se sengwe.” Yeo ke tsela ye ba swanetšego go ba dira lehono. Le bona se sehlopha se re nago naso?

¹⁰² Eupša le ge a fihla kua, O rile, “Nna ebile ga se ka romelwa go morafe wa gago. Gomme, ntle le seo, ga se bona selo eupša sehlopha sa dimpša.”

¹⁰³ Oo, nna, re be re tla dira eng? O be o tla dira eng? Ipotšiše ka bowena seo, gomme o botege. Yo mongwe o sehumotše, gobaneng, ge ebile o sa rapelelwe, bošegong bja mathomo, o a tteleima ga o sa tla morago gape. Ka gona le na le tumelo? Nnete. Ya. Bjale, elelwang, theipi ye e ya gohle godimo ga lefase. Ga ke no šupetša monwana wa ka mo; ke ūupa mogohle. Le a bona? Ya, wena, o ka se tle morago. Aowa. O ka se kgone le go no dula le go theetša kopano go kgabola. Le a bona? “Ya, ke na le tumelo”? Ya.

¹⁰⁴ Eupša o biditšwe mpša. Yeo ke ya fasefase e ka hwetšwago, goba e bilego go bona ka letšatšing leo, phoofole ya ditšila. Nnete, lehono ke modingwana; eupša fale mosadi o tla tsea mpša ye nnyane ya kgale gomme a e fa tlhokomelo ya mme, le go dira taolo ya tswalo, gobane o nyaka go tšwela ntle ditansing le diphathing, le go tšwelapele ka mokgwa woo, gomme ga a na le nako ya ngwana wa gagwe. O a tseba o ka kgona go tomela mpša ka serobeng se sennyane felotsoko, go e tsea le yena. Yeo ke nnete tlwa, le a bona. Go diriša taolo ya tswalo, gomme morago go ya kerekeng le go opela ka khwaereng; go apara dišothi, dileka, se sengwe le se sengwe gape, le go ipitša Mokriste yenamong; go kota moriri wa gagwe gomme o sa re o ka kopanelong le Modimo, ge Beibele e rile ga a gona. Yeo ke nnete tlwa. Ga ke kgathale . . . Theetšang.

O re, “Selo se sennyane sela, o bolela seo ka eng?”

¹⁰⁵ Mathomong, lentšu le tee le hlotše bolwetsi bjohle le lehu. Modimo wa go swana, mafelelong a Puku, o rile, “Mang kapa mang a ka tlošago Lentšu le tee go tšwa go Yona, goba a oketša lentšu le tee go Yona.” Kafao ga go kgathale se o se dirago, o tteleima go ba yo mokgethwa gakaakang, o tabogela godimo le fase le go lla, o bolela ka maleme, o kitima godimo ga lebato, goba e ka ba eng o nyakago go e dira, goba go fa bahloki, goba e ka ba eng o lego; yeo ga se yona. O robile Lentšu lela; gomme, Lentšu lela le letee le kgaotšwego, o ka se kgone go ya morago ka gare! Nnete tlwa, e sego Lentšu le tee. O tsea thutotumelo sebakeng sa Lentšu, gobane e go swanela bokaonana.

¹⁰⁶ Ke ka baka leo batho ba ka kgonago go tšoena kereke, le go ya go *ye, yela*, goba ye *nngwe*, le go dula tikologong kua, ga se selo eupša lotše. Ga se kereke. O tswalelwka Kerekeng; o tšoena lotše. Eupša o tswalelwka Kerekeng, Kereke, e sego kereke; Kereke. Go na le Kereke e tee feela. Gomme o . . .

¹⁰⁷ Ke bile ka lapeng la Branham lebaka la mengwaga ye masometlhano tlhano, gomme ga se nke ba ke ba nkogopela go tšoena lapa. Ke tswetšwe fale. Yeo ke nnete.

Ya, o gannwe, o biditšwe “mpša,” eupša o be a sa swareletše.

¹⁰⁸ Le a bona, o bile le tumelo. O be a nyamišitšwe ke bagwera ba gagwe bohole, a nyamišitšwe ke batho ba gabon, mehuta yohle ya dilo e leka go mo šitiša. Eupša se sengwe le se sengwe se lahletšwe ka tsela yeo. Seo se bontšha Sathane a leka go—go kgoromeletša morago tumelo ya mmapale, eupša a ka se kgone go e dira. Ga a kgathale se e ka ba mang a se bolelago; e sa le gona. O a phegelela. O tšwelapele a eya pele.

¹⁰⁹ O fihlile go Jesu, gomme Jesu o rile, “Nna ga se ka romelwa go morafe wa geno. Nna ga se ka romelwa go kereke ya geno. Ga ba dirišane. Ga le selo eupša sehlopha sa dimpša, go le bjalo.” O sa ntše a sepelela pele! O re, “Nna, Ke tla go—go fodiša ba, ba Ka, e sego go tla go go fodiša. Ga se go Ntshwanele go tšea borotho bja bana le go bo neela ntle go lena sehlopha sa dimpša.”

O rile, “Yeo ke therešo, Morena.” Amene.

¹¹⁰ Tumelo ka mehla e tla amogela gore Lentšu ke therešo. Amene. Bjale ge le nyaka go swarelela go thutotumelo, eyang pele; eupša tumelo, tumelo ya kgontha ya mmapale, e a amogela Lentšu ke Therešo.

¹¹¹ O rile, “Therešo, Morena, eupša dimpša di kgona go ja marathana ao a lego ka tlase ga tafola ya bana.” Seo se e hweditše. Seo se e hweditše. O be a se se—se semela sa ntlo ya go fiša. O be a se se—se sehlopha sa motswako, se se bitšwago badumedi, se re nago le puno ya lehono. O bile le tumelo ya mmapale. O amogetše gore O be a rereša. Eupša ebile o be a se ka morago ga borotho bjohle bjoo bana ba bego ba kgona go bo ja; o be a no puruputša marathana.

¹¹² E ba gore re hwetša bokaonekaone goba ga re ne e ka ba bofe le gannyane. Re tla sepela go tloga go Lona, gomme morago ra re, “Re ne tumelo. Ga ba ntshware gabotse, ke tla ngala.” Yeo ga se tumelo. Yeo ga se tumelo.

¹¹³ Tumelo e fao. Se ke lekago go se bolela go lena, bagwera, re ya go ba le mothalo wa thapelo fa bjo bongwe bja mašego a. Gomme ke nyaka go bona e sego le seteretšha se tee, setulo se tee sa bagolofadi, lehlotlo le tee, goba e sego selo eupša se se letšego mo lebatong, gomme bona ba sepelela ntle. Le a bona? Ntle le ge o ka tla ka mohuta wa go batamela wa maleba, ga o ye go hwetša e ka ba eng. Yeo ke nnete, o no ba o sepela thwi go kgabola gomme yo mongwe a phasola seatla godimo ga gago, le go ya pele ntle. Seo, seo ga se sa loka. O swanetše go tseba se o se tlelago . . . “Yo a tlago go Modimo o swanetše go dumela.”

¹¹⁴ Šetšang, elelwang, ga se nke a ke a bona mohlolo. O be a le Mogerika. O a tseba . . . O be a le Montle. O be a se a ke a bona

mohlolo, efela o be a na le tumelo gore go be go le selo se se bjalo. Gomme ngwaga ka morago ga ngwaga, le letšatši ka morago ga letšatši, re bona mehlolo, gomme re no se kgone go swarelela iri goba tše pedi.

¹¹⁵ O be a le bjalo ka Rahaba seotswa. Rahaba o be a sa nyake. . . . Mosadi yola wa Montle, o be a sa nyake go bona ka fao Joshua a aperego diaparo tša gagwe, goba go bona Joshua. O rile, “Ke kwele gomme ke a dumela.” Yeo ke phetho. O kwele gomme o dumetše.

¹¹⁶ Jesu o rile, “Bakeng sa polelo ye!” O bile le go batamela ga maleba go mpho ya Modimo. Elelwang, o be a le Montle wa mathomo yoo mohlolo o kilego wa dirwa go yena, ka lebaka la tumelo ya gagwe. Tumelo e a amogela gore Lentšu le a rereša, e a ikokobetša ka boyona, go swana le ge e dira lehono.

¹¹⁷ Maretka Bogoneng bja Modimo. Maretka, kgaetšedi wa Latsaro, o be a kokobetše ka Bogoneng bja Jesu. Gomme o be a phegelela ge a fihla kua. O rile. . . . O rile, “Morena, ge nkabe O be o le mo, kgaetšedi wa ka a ka be a se a hwa; eupša le bjale, eng kapa eng O e kgopelago Modimo, Modimo o tla go fa yona.”

¹¹⁸ O rile, “Ke nna tsogo, le Bophelo; yo a dumelago go Nna, le ge a hwile, efela o tla phela; mang le mang a phelago gomme a dumela go Nna a ka se tsoge a hwa. A o dumela se?”

¹¹⁹ Elelwang, o be a na le tokelo ya go Mo omanya. O be a Mo rometše, gabedi, ge a be a babja; a mo tlogela a hwa. Eupša, le a bona, o bile le tumelo. O tsebile.

¹²⁰ Gomme ge mosadi yola wa Mosunami, ka go lebaka la gagwe, ge lesea la gagwe le ehwa, gore o dumetše Modimo o be a le ka go moprefeta yola, Eliya, gomme o swareletše thwi go Eliya. O rile, “Bjalo ka ge Morena Modimo a phela, gomme soulo ya gago e phela gomme e se ya tsoge ya hwa, ga ke ye go go tlogela.” O be a phegelela. Gomme Eliya o be a sa tsebe a dire eng. O nno ya ka kamoreng, a sepelela morago le pele, go fihla Moya wa Modimo, Bogona bja Modimo, bo etla. O ile a ithobatša yenamong godimo ga lesea, le ethimotše makga a šupago gomme la tla bophelong. Ka baka la gore, yo mongwe o be a phegelela, yo mongwe o be a swere tumelo, go ya go monna wa Modimo.

¹²¹ Gomme o tsebile, ge Modimo a be a le ka go Eliya, ke bontši gakaakang A bilego ka go Morwa wa Gagwe Mong. O tsebile. Tumelo e tla ka go kwa. Gomme ka Bogoneng bja Jesu, o be a phegelela.

¹²² Jesu, go bonagetše e ke, o lekile go mo gomišetša morago, le go re, “O tla tsoga,” le sohle *se*, le go ya pele. Eupša o be a phegelela. O kgoromeditše go kgabola polelo ya moswaswalatši yo mongwe le yo mongwe, “Bjale lenaneo lela la phodišo Kgethwa o bego o bolela ka lona le kae? Le kae lohle? Ngwanenoo hwile le go bolokwa ntle fale bjale. Gomme Modisha o ngwegetše ka ntle ga toropo go fihla a ehwa, gomme morago a bowa

morago.” Eupša seo ga se sa ke sa ema ka tseleng ya gagwe. O kgoromeditše thwi go kgabola moswaswalatši yo mongwe le yo mongwe go fihla a fihla go Yena. O hweditše se a se kgopetšego.

¹²³ Bjale fa nako ye nngwe ya go feta, ke no elelwa, ka tabarenekeleng . . . Ke bona ba bangwe ba baena ba dutše mo go tšwa tabarenekeleng, bošegong bjo. Go be go le mohumagadi . . . Ke tlide ka kerekeng. Gomme re na le, e ka ba bošego bjo bongwe le bjo bongwe, ka ga se re nago naso ka fa ke kopano ya rena. Gomme kafao nako yeo re be re . . . Ke—ke be ke sa rapelele balwetši bošegong bjoo. Gomme go bile mosadi yo a tšwago California, o be a na le sešo, sešo ka bosona se be se imela diponto tše masometlhano. Gomme kafao ba bile le yena ka morago. Gomme kafao ba boletše re be re sa rapelele balwetši bošegong bjoo; e be e no ba go tla tlase go bolela, gobane ke be ke sa tla go tšwa kopanong.

¹²⁴ Gomme ge ke etšwa ka mojako wa ka morago, ba babedi ba matikone ba mo gogile go dikologa ntlo, ka setulong, gomme ba mmea mojako, gomme thwi mabung. Gomme ge ke tšwela ka ntle, o ile a ntshwara ka leoto la borokgo ge ke tšwela ka ntle. O rile, “Ngwanešu Branham, selo se nnoši ke go kgopelago, ke go bea diatla tša gago godimo ga ka.” O rile, “Sešo sa ka se tla sepela.” Gomme o be a no ba e ka ba ka mokgwa *wo*.

¹²⁵ E ka ba dibeke tše tshela go tloga nako yeo, o be a le ka kopanong, gomme o tšere dikgaetsedi go ya ka gare le go mo lekola. Ntle le karo e ka ba efe, go be go se ne tshetlana ya sešo e ka ba kae. Ga go kgathale ge eba e be e se bošego bja go rapelela balwetši, o be a phegelela. O hweditše se a bego a se kgopela. Tumelo e be e hweditše lefelo la yona, gomme e ile ya swara.

¹²⁶ Mika. Gomme ke a tswalela mo nakwaneng. Mika, ka bogoneng bja baprista ba makgolonne ba ba hlahlilwego gabotse, baprofeta ba Bahebere le bohle. O rile, “Etsla tlase, Mika, o raketswe ka ntle ga mokgatlo wa badiredi tlase mo; eupša ge o ka bolela selo sa go swana seo ba se dirago bjale, gomme wa botša Ahaba go ya pele godimo, le . . . Ahaba le Josafate go ya go rotoga; gomme re lemoga gore, gore ba tla go bušetša ka kopanelong.”

¹²⁷ O rile, “Bjalo ka ge Morena a phela, ke tla bolela feela se A se bolelago go nna.” Modimo, re fe boMika ba bangwe gape! Le a bona?

¹²⁸ Kafao, o letile. Bošegong bjoo pono e tlide. O lekotše pono ya gagwe ka Lentšu. Ka gore, Lentšu la Modimo le be le boletše gore, Ahaba, dimpša di be di tla latswa madi a gagwe, go swana le ge ba dirile Nabote. Kafao re hwetša gore pono ya gagwe e be e le tlwa le Lentšu.

¹²⁹ Ka fao o be a phegelela ge a sepeletše ntle mosong wo o latelago. O rile, “Rotogang, eupša ke bone Israele boka dinku di šwalalane thabeng, di se ne modiši.”

¹³⁰ Gomme moprista yo mogolo yo, goba godimo ga baprofeta, o sepeletše godimo, a mo phasola ka molomong, gomme a re, “Moya wa Modimo o ile kae ge O tšwile go tloga go nna?” Go le bjalo Mika ga se a ke a tshwenyega gore ba boletše eng. O ile a ema kua. O ile a re, “Beang moisa yo ka kgorongtsheko,” gwa rialo Ahaba, “gomme mmeeng ka dikgorong tša ka garegare, gomme le mo fepe ka borotho le meetse a mahloko. Ke tla mekamekana le yena ge a...ge ke etla morago,” ka mantšu a mangwe, go mo kgaola hlogo, goba se sengwe.

¹³¹ O rile, “Ge o ka bowa le neng, Morena ga se a bolela le nna.” Oo, o tsebile moo a bego a eme. Go dira phapano e ka ba efe se ka moka ga bona ba se nagannego; o tsebile gore o be a le ka Bogoneng bja Modimo. O be a kwele segalontšu sa Modimo. Se be se le tlwa le Lentšu la Modimo.

¹³² Ka fao re swanetše, bošegong bjo, go bona iri ye re phelago ka go yona, le go bona tshepišo ya letšatši le, gore Lentšu la Modimo le e tshepišitše. Ga go kgathale se e ka ba mang gape a se bolelago; Lentšu le boletše bjalo, gomme Jesu o tla go itira Yenamong go tsebja. Go phegelela!

¹³³ Monna wa sefov yo Jesu a mo utilego...goba a mo fodišitšego; a sa kgone, o be a sa kgone go hlatholla goba go phega thutamodimo ya bona. Eupša selo se tee a bego a se tseba, o be a phegelela.

¹³⁴ Tatagwe le mmagwe ga se ba ke ba kgona go bolela. Ba rile, “Gabotse, re a boifa ba tla re ntšha ka sinagogeng.” Gomme ba rile, “Mmotšišeng, o godile.”

O rile, “Ke mang a go fodišitšego?”

O rile, “Yena, Jesu wa Nasaretha.”

¹³⁵ O rile, “Efa Modimo tumišo!” O rile, “Re a tseba Monna yo ke modiradibe.”

¹³⁶ O rile, “Bjale, ge eba Ke modiradibe, goba aowa, ga ke tsebe. Nka se kgone go bolela seo. Eupša,” o rile, “selo se tee ke se tsebago, moo nkile ka ba sefov, bjale ke a bona.”

Ba rile, “Ga re tsebe Monna yo o tšwa kae.”

¹³⁷ O re, “Ke selo sa go tlaba. Le swanetše go ba baetapele ba letšatši le, le tseba dilo tšohle tša semoya; gomme mo Monna o a tla gomme a bula mahlo a ka, ge ke be ke tswetšwe ke foufetše, gomme go le bjalo ga le tsebe mo A tšwago?” Oo, o be a phegelela, ga go selo se yago go mo tshwenya. O be a bolela le Modimo.

¹³⁸ Nathaniele o be a sa tshwenyeye, go Mmitša, “Morena, Kgoši ya Israele,” pele ga modiša wa gagwe le bohole ka moka ga bona, ge A mmoditše mo a bego a le gona le—le letšatši pele. Nathaniele o be a sa tshwenyeye.

¹³⁹ Mosadi mo sedibeng o be a sa kgathale ke batho ba bakae ba mmoditšego e be e se semolao go yena go bolela e ka ba

eng gobane o be a le mmalegogwana. O be a kopane le Monna yo a bego a mo lebeletše, ge e sa le a le mo—mo mosetsana yo monnyane, go tsebeng gore Jesu o be a swanetše go tla go lefelotiragalo, Moprefeta. Gomme o be a hweditše Moprefeta yola Yo a mmonego a mmotsa dilo tše a di dirilego. Go mo emiša? Bjalo ka ge ke bolela gape, boka ntlo e tuka ka phefong ya godimo. O be o ka se kgone go e dira. Pelo ya gagwe e be e lauma ka thabo le khutšo. O be a lebaletše dibe tsa gagwe. O be a bone Mesia. O be a bone Bogona bja Gagwe. O be a bone Lentšu la Gagwe.

¹⁴⁰ “Re a tseba ge Mesia a etla, O tla re botša dilo tše. Eupša Wena o mang? O swanetše go ba moperfeta wa Gagwe.”

O rile, “Ke nna Yena.”

¹⁴¹ Gomme ge Monna a kgonne go dira selo sa go swana le seo, o be a ka se aketše, o tsebile yoo e be e le Mesia, kafao ditaba tše botse di be di swanetše go phatlalatšwa.

¹⁴² Re swanetše go ba bjang mo mollong wa go swana bošegong bjo, go phegelela go dira yo mongwe le yo mongwe go tseba gore Moya wo Mokgethwa ke kgonthe lehono, gore O wela godimo ga ren a go dira selo sa go swana seo A se dirilego, le ditshepišo tsa iri ye. Ga re phegelele. Ke a makala ge eba ka kgonthe e re rathile? Le a bona, elang hloko mosadi mo sedibeng.

¹⁴³ Selo se tee, ke swanetše go tswalela. Ke na le e ka ba seripa sa letlakala la dinoutse fao, eupša ke nyaka go tswalela ka go bolela se. Se se tliša kanegelo go nna. Morago re ya go rapelela balwetši. Go ya go no ba thari nthatana gannyane, eupša mohlomongwe lesome, metsotso ye lesometlhano, eupša nkgotleleleng feela boteletšana gannyane nthatana.

¹⁴⁴ Ke be ke le ka Mexico City e ka ba mengwaga ye meraro ya go feta. Ke ba bakae ba tsebago Ngwaneshu Espinoza, lena batho ba Spainish mo? Gabotse, ke a thank a bontši bja lena. O be a le mohlatholli wa ka. Re be re le tlase kua ka Mexico City. Ke be ke le, bokgole bjo ba tsebago, Moprottestant a nnoši a kilego a tla ka pale, a thekgilwe ka mašeleng ke mmušo. Eupša General Medina, le a mo elelwa, ke yo mongwe wa Banna ba Kgwebo ba Bokriste, ba amogetšego, o phološitše le go tlatšwa ka Moya wo Mokgethwa, gomme o ile ka mmušo le go ntliša ka gare.

¹⁴⁵ Gomme kafao re bile le ntitikodiko ye nngwe ye kgolo ntle pale. E dudišitše dikete tše mmalwa tsa batho; ba be ba se ba dulela selo, ba be ba swanetše go emeleta. Gomme le—le nagana ka go swanela go ema fa lebaka la diiri tše pedi goba tše tharo ka kamoreng ye, bona batho ba eme ka go letšatši lela la go fiša tšhiritširi la leganata, fao go tloga ka iri ya senyane mosong, go fihla ka senyane bošegong bjoo, letšatši ka morago ga letšatši. Gomme, bošegong bjo bongwe, go tšhologa pula, ba be ba eme kua; gomme bona basadi ba baswa ba Mamexican, moriri o lekeletše go theoga sefahlego sa bona, gomme e ena thata kudu

ke be ke sa kgone go bona tselaseripa go kgabaganya batheeletši. Go be go sa dire phapano ye e itšego go bona; ba be ba swareletše go Lentšu lela la Bophelo.

¹⁴⁶ Elelwang bošego bjo bongwe kua, go tleng ka gare. Ke be ke no ba fale mašego a mararo. Sefala e ka ba feela botelele bjalo ka se, goba mohlomongwe boteletšana gannyane. Go be go bile monna wa mokgalabje wa sefolu a tliego go kgabaganya sefala, gomme ba mo tlišitše godimo.

¹⁴⁷ Moisa yo a tliego gomme a ntšea, ke mmiditše *Mañana*, seo se ra “bosasa.” O be a nokologa kudu! O be a ka se tsoge a fihla kua, gomme, go lokile, o be a tla lebelela go dikologa, gomme a ya godimo kua nako e ka ba efe. Gomme nna ke rapela, gomme o... Gomme ka nno mmitša “*Mañana*.”

¹⁴⁸ Ka fao ba ile ba ntšeela godimo morago ga leboto le legolo le, godimo ga lelere, gomme ka gona ba mphološetša fase godimo ga sefala. Ngwanešu Jack Moore, ke ba bakae ba mo tsebago? Nnete, ke a thanka le a dira; le Ngwanešu John Sharrit le ba bantši ba bona mo. Ba be ba le kua sefaleng. Bošegong bjoo, go tla go kgabaganya sefala...

¹⁴⁹ Mañana o fa dithekethe, di—di dikarata tša thapelo, eupša Billy o sepetše thwi go bapa hleng le lehlakore la gagwe go bona gore se sengwe le se sengwe se ile gabotse. O kgonne go bolela le bona le go ba fa dikarata tša thapelo, eupša Billy o ile go hwetša ge eba e be e le nnete ka kgonthe goba aowa, ge eba o tla rekiša e ka ba eng ya tšona, goba se a tla se dirago, goba go beba sefahlego; go dira yo mongwe le yo mongwe yo a bego a nyaka karata ya thapelo a be le e tee.

¹⁵⁰ Kafao nako yeo bošegong bjoo ge dikarata tša thapelo di biditšwe, go bile le mokgalabje a etla go putla sefala, maoto a go se rwale dieta, gomme maoto a borokgo bja gagwe a kgeigile gohle, kefa ya kgale ka seatleng sa gagwe, e phuthetšwe ka thapo. Gomme ge a fihla kgauswi le nna, o be a foufetše, gomme ke lebeletše moisa wa kgale. Gomme ke be ke eme fale, ke apere diaparo tše botse bošegong bjo, yo mongwe o mphile sutu ye botse ye mpsha, ke rwele dieta tše botse. Gomme moisa yola wa go šokiša wa kgale fale, hempe ya kgale ya mankgeretla, le lerole gohlegohle go yena. O be a le fale, a foufetše moka, mahlo a gagwe gabotse a le kgauswi le bošweu bjalo ka hempe ya ka ka khataraka. Gomme, gomme ke naganne, “A selo se sešoro Sathane a se dirilego!” Moisa wa go šokiša wa kgale go molaleng ga se a ke a ba le dijo tša maleba, ka bopheleng bja gagwe.

¹⁵¹ Ekonomi e lekelelantšwe ka go šokiša kudu tlase fale. Gomme bona, e no nagana bjale, e re, Pedro, Petro, ke—ke—ke moagi wa ditena, o hwetša dipesose tše masometharo ka letšatši, eupša ba swanetše go šoma matšatši a mane go ikhweletša yenamong para ya dieta. Le a bona? Gomme gona go reng ka Pancho yo monnyane, goba Chico, yo monnyane o šoma ntle

mo gomme o dira feels e ka ba dipesose tše nne ka letšatši, le digotlane tše nne goba tše tlhano go di fepa? O be a tla ya tlase le go hwetša senkgwanthetelego sa dinawa tša ameba bakeng sa gagwe, gomme bošegong bjo Martina a ka ba le se setee le—le Chico yo monnyane a ka ba le se setee, eupša yo mongwe o swanetše go dira le setee...ntle le setee. Ba swanetše go boloka bontši kudu, go reka kerese ya kirisi go tshungwa godimo ga aletara ya gauta, bakeng sa dibe tša bona. Seo ke se se ntshumago. Kafao le be le le fao.

¹⁵² Bjale, moisa yo wa kgale o eme fale, gomme o be a bolela se sengwe ka Spanish. Gomme o be a na le dipheta tše ntši tše nnyane di phuthetšwe go dikologa menwana ya gagwe, gomme ke mmoditše, “Di tloše,” gomme ka Ngwanešu Espinoza.

¹⁵³ Gomme ka gopola, ka gopola, “Ke tla bea magetla a ka godimo. Ke tla no kgona go bea jase ya ka fase, gomme ka mmotša. Gomme magetla a gagwe ke diphaphathi kudu go feta a ka.” Ke beile maoto a ka ntle ka thoko ga a gagwe, ka gopola, “Nka kgona go ngwegela thwi ka ntle ga dieta tša ka, gomme ga go yo a bego a tla e bona, gomme ka mo fa dieta tša ka,” eupša maoto a gagwe e be e le a magologolo kudu. Gomme ka gopola, “Go lokile, nka dira eng?” Ka gopola, “O Modimo!”

¹⁵⁴ Ge o sa kwele batho ga go tlhokego go leka go ba hlankela. O swanetše go ikwela yona. Ke ka baka leo A ikwetšego mefokolo ya rena.

¹⁵⁵ Ke nno bea letsogo la ka go mo dikologa, ka mokgwa *wo*, gomme ke rile, “Tate wa Legodimong, ge papa wa ka a ka be a phetše, a ka be a be a le e ka ba bogolo bjo. Ke papago yo mongwe.” Gomme ke be ke nno ema fale ka mokgwa wola, gomme ke mo kwele a goelela, “Gloria a Dios!” Seo ke “Letago go Modimo,” le a tseba. Ke lebeletše go dikologa fale, gomme mokgalabje o kgonne go bona gabotse ka fao ke kgonnego, go no sepela godimo le tlase sefaleng, go no ya pele. Gabotse, gomme, nnene, ba ile ba swanela go hwetša diašara, e ka ba diašara tše makgolotharo goba makgolonne di eme fale, go ba iša tlase. Ka gona ba ile ba swanela go ntšeela morago godimo ga thapo.

¹⁵⁶ Bošegong bjo bo latelago, go tla ka gare kua, go be go no ba mekgobo bogodimo *bjola*, mokgobo, ka moka godimo le fase kua, wa dišolo tša kgale le dikefa le dilo, ba be ba di beile godimo kua go rapelelwa. Ka fao ba kilego ba tseba sefe e be e le sa mang, ga ke tsebe, tšohle di pakelane godimo kua, di robetše kua. Gomme e be e ena. Ke be ke le thari. Gomme ke tsene ka fale, gomme ke nno thoma go rera, “Tumelo ke kholofelo ye e tiilego ya dilo tše di holofetšwego, bohlatse bja dilo tše di sa bonwego,” gomme Ngwanešu Espinoza a hlatholla fao.

¹⁵⁷ Gomme Billy o tlide godimo le go mphaphatha legetleng, o rile, “Papa, o ya go swanela go dira se sengwe.” O rile, “Mañana o šetše a file dikarata tšohle tša thapelo.” Gomme o rile, “Go

na le mosadi yo monnyane o eme godimo fale, mohumagadi yo monnyane,” o rile, “o na le lesea la go hwa, gomme le hwile mosong wo.”

¹⁵⁸ Le bone athekele ka go Banna ba Kgwebo ba Full Gospel. Gomme, elelwang, seo se swanetše go kgonthišwa pele se ngwalwa. Ngaka o swanetše go saena setatamente se, gore ke therešo, ge o se bea ka mongwalong.

¹⁵⁹ Gomme o rile, “O godimo kua, o na le lesea la go hwa,” o rile, “le hwile mosong wo.” (Gomme e be e ka ba masometharo a senyane, nako yeo.) O rile . . . (Gomme e ka ba ka nako ye ya bošego.) Gomme o rile, “O hwile mosong wo.” (O be a eme ka puleng yela le lona letšatši lohle, gomme o be a sa tsebe Espinoza o be a le goba, ke ra gore, Mañana o be a efa tšona dikarata tša thapelo.) Gomme o rile, “Ga a na le karata ya thapelo.” O rile, “Ke na le masomenne goba masomethano a diašara, ga di kgone go mo thibela go tloga sefaleng sela.” O rile, “O tla ya thwi ka tlase ga bona, a ba nyamiša, a namela godimo ga mekokotlo ya bona, goba e ka ba eng, bjalo ka ge, a leka go tla godimo mo.”

¹⁶⁰ Gomme ke rile, “Gabotse, ke tla go botša.” Ke rile, “Etla fa, Ngwanešu Moore.” Le a tseba, lena bohole, bontši bja lena le phagamišitše diatla tša lena, le tseba Ngwanešu Jack Moore. Ke rile, “Ngwanešu Moore, ga a tsebe ke nna mang. Ga a tsebe. Go bile le badiredi ba bantši ba emego fa, ba bolela, bontši bja Mabaptist le se sengwe le se sengwe, ba thekga kopano ka tšhelete.” Gomme ke rile, “Bjale, wena, o ya godimo fale le go rapelela lesea, gomme a ka se tsebe phapano, o a bona.”

O rile, “Go lokile, Ngwanešu Branham.”

¹⁶¹ O thomile go sepela go tloga sefaleng, e ka ba bokgole bja leboto godimo fale, gomme ke retologile go dikologa. Batho ba be ba sa tsebe, gobane ba be ba sa kwešiše Seisemane. Gomme ke rile, “Bjale bjalo ka ge ke be ke bolela, tumelo ke sa kgo- . . .” Gomme ke lebeletše fa pele ga ka, gomme ke bone le lennyane, la Momexican, lesea la sefahlego se seswana le se na le meno, le nno dula fale le ntšenyeditše, thwi fa ka pele ga ka.

¹⁶² Ke rile, “Ema motsotsso, Ngwanešu Moore.” Ke rile, “Botša mohumagadi yo monnyane go tla mo.”

Gomme Billy o rile, “Papa, ga a na le karata ya thapelo.”

Ke rile, “Ke sa tšo bona pono, Billy.”

¹⁶³ Gomme kafao ba ile tlase fale gomme ba tšea mohumagadi yo monnyane. Šo o a tla, a kitimela godimo kua, gomme a wa ka matolo a gagwe, a thoma go goelela “padre,” seo se rago “tate,” le a tseba; Ke mo kgopetše go emeleta, Ngwanešu Espinoza. A swara lesea; gomme o be a na le le lennyane, lepae la merapapitsi ye bolou le bošweu godimo ga lona, a nno koloba tsorororo, gomme meetse a rotha, gomme moriri wa gagwe o lekeletše fase. Mosadi yo monnyane wa go lebega go ratega, ka kgonagalo lesea

la gagwe la leitsibolo, o be a le ka go a gagwe... masomepedi pedi goba masomepedi tlhano a mengwaga bogolo, a swere selo se sennyane boka seo; se sennyane, sebolepego sa go thatafala e ka ba botolele *bjola*, ka tlase ga lepae le. Ke naganne.

¹⁶⁴ Bohle ba naganne ke be ke no rapela, go e fediša, le a tseba, go mo tloša diatleng tša bona kua.

¹⁶⁵ Gomme ke beile diatla tša ka godimo ga lesea le lennyane, gomme ke rile, "Tate wa Legodimong, ga ke tsebe gore—gore le ke lesea; eupša ke bone pono fale, dinakwana di se kae tša go feta, ya Momexican yo monnyane, le lebolelegile bjalo ka le lennyane, lesea la sefahlego se seswana le myemyela." Gomme ke rile... Ga ba hlatholle thapelo, le a tseba. Gomme ke rile, "Ke le bone le myemyela." Ke nno bea diatla tša ka godimo ga lona, ka tsela ye, Leineng la Jesu Kriste, go rapela, gomme lesea le lennyane la raga gomme la thoma go lla ka maatla bjalo ka ge le... Gomme kafao la thoma go goelela.

¹⁶⁶ Gomme ke rile, "Ngwanešu Espinoza, o se ke wa bea yeo fase bjale. Romela semamathane, le lesea lela le mosadi yola, gomme a le iše go ngaka." Gomme bošegong bjoo, ba leleditše ngaka, ngaka o saenne setatamente gore lesea le hwile ka nyumonia, mosong woo ka sepeltele sa gagwe, goba ka ofising ya gagwe, ka iri ya senyane; gomme mo e be e le e ka ba ka iri ya lesome bošegong bjoo, le sa le le hwile go tloga mosong woo, gomme la tla bophelong; gomme le a phela lehono bakeng sa letago la Modimo.

¹⁶⁷ Ka baka la gore gobaneng? O be a no phegelela bjalo ka ge mosadi yo monnyane yo wa Sirofenike a be a le mo, re bolelago ka yena bošegong bjo. Go ya go bontšha gore Modimo o sa swana maabane, lehono, le go ya go ile. Selo sa yona e be e le, (e be e le eng?) o be a kwele ka monna yola wa mokgalabje wa sefofu.

¹⁶⁸ O be a le Mokatoliki, ka tumelo. Bohle ba bona ke Katoliki, kafao ge o tswalwa ka Mexico o no ba Mokatoliki ka go itiragalela.

¹⁶⁹ Kafao nako yeo bona batho fale ba bone mokgalabje yo wa sefofu mo mokgotheng, a bolela ka bopaki bja gagwe. Yena, ba be ba kwele ka ga yona. Mosadi yo ga se nke a ke a bona mohlololo. Eupša o tsebile ge Modimo a kgonne go fa monna wa sefofu pono ya gagwe, o be A ka kgona go tsošetša lesea la gagwe morago bophelong, gobane e be e le Jesu Kriste wa go swana. Dinako tše dingwe o tla dira Mapentecostal go ikwela bonnyane. Gomme yeo ke therešo, ka tumelo ye bjalo, ka baka la gore o be a phegelela gore e be e swanetše go ba Modimo yo a bego a ka kgona go bušetša pono. "Gomme ge e be e le Modimo a kgonnégo go boloka Lentšu la Gagwe le go bušetša pono, O be a ka kgona go tsoša bahu." Gomme O e dirile ka baka la gore o be a phegelela. Ke tla ba fao bošego bjo bongwe gape, gomme a ka no... E be e le bošego bja gagwe.

¹⁷⁰ A re ka se ke, bošegong bjo, bagwera, a re ka se phegelele. A re ka se gatelele go kgabola ditlemo tša diphiri tša leswiswi mo le go amogela Jesu Kriste bjalo ka wa rena—bjalo ka Mofodiši wa rena? A le ka se kgone go e dira?

A re rapeleng.

¹⁷¹ Morena Jesu, O Modimo, ga—ga ke tsebe ke bolele eng gape. Ke a rapela, Modimo, a nka bitša feela mothalo wo monnyane wa thapelo, Tate? Gomme mohlomongwe O tla bontšha batho seo, wa dira se sengwe feela boka O dirile pele ga lehu la Gago—la Gago le poloko; gore letšatši le le nako, mohlomongwe go tla ba basetsebje fa, gore re ke re bone gore O sa swana maabane, lehono, le go ya go ile, go bolokeng Lentšu la Gago. Gomme mohlomongwe go tla ba yo mongwe ka tumelo go lekanelo go šwahla go kgabola sešitiši sela mošola, sešitiši sela sa lešata, sešitiši sela sa sebe, sešitiši sela sa gosedumele ka kua, go phuleletša go kgabola seo, go ya fao dilo tšohle di kgonegago. E fe, Morena. Re a botšwa gore ge sefofane se feta sešitiša lešata sela, ga se na magomo ka lebelo le maatla. Modimo, ge re ka kgona go no phuleletša go kgabola maatla ale a gosedumele, mehlolo le dilo, le ditshepišo tša Modimo, ga di na le magomo, “ka gore dilo tšohle di a kgonega go yo a dumelago.” E fe, Tate. Re e kgopela Leineng la Morwa wa Gago, Jesu Kriste. Amene.

¹⁷² Ge ke no ba thari nthatana gannyane, a go lokile go ya pele le go no re dumelela re be le, go bitša mothalo wo monnyane wa thapelo? Ke a tseba batho ba ba go se dudišege, eupša a re nong go bitša mothalo wo monnyane wa thapelo. A re boneng, Mošupologo bošego re bile le diA, a yeo ke nnete, ge re efa karata ya thapelo? Goba, aowa, ke ra Laboraro bošego. Ke nagana ka ga Moš-... Laboraro bošego e bile bošego bja mathomo, e bile diA, gomme bošegong bja go feta e tla ba diB, gomme bošegong bjo e tla ba diC. Re biditše go tloga go tee go ya go masomepedi tlhano, ka go dia. Ke a nagana seo se be se lokile, a se be se se, tee go ya go masomepedi tlhano, ka go A? A yeo ke nnete, tee go ya go masomepedi tlhano, ka go A? Tee go ya go lesometlhano, ka go A.

¹⁷³ Gabotse, a re biletšeng diB, dikarata tša thapelo tša maabane, gona. A re bitšeng B, masomešupa tlhano go fihla go lekgolo. Karata ya thapelo B. Re tla swara C ya gago le tšohle tša tšona. Re B, masomepedi tlhano... Aowa. B, masomešupa tlhano, ke a dumela ke rile, a e be e se yona? B, masomešupa tlhano go ya go lekgolo. Go lokile. A nke ba eme ka lehlakoreng *le* bjale. B, masomešupa tlhano go fihla go lekgolo, emang godimo ka lehlakoreng *le*. Etlang thwi godimo ka lehlakoreng *le* gomme le be mothalong godimo mo, ba bangwe ba lena baena eyang tlase. Billy, Roy, ba bangwe ba lena eyang tlase fale gomme le bone batho ba tsena ka mothalong wa thapelo. Go lokile.

¹⁷⁴ Ke nyaka šedi ya lena ya go se arogane feela nakwana. Bjale

ebang tlhomphokgolo ka kgontha. Bjale lebelelang, batho ba bangwe ba a ya gomme ba re, "Moreri o apara mohuta wa go fošagala wa thai. O apere sutu ye e fošagetšego. Mekgwa ya gagwe ga se ya loka. Ga a eme thwi go lekanelo." Gabotse, le a bona, go le bjalo ga o na tumelo. Le a bona?

¹⁷⁵ Ge monna a tsena ka mojako wola morago kua gomme a le boditše gore ba bile le...gore ba, o be a na le ota ya tšhelete goba kgonthišetšo ya panka bakeng sa gago, bakeng sa ditolara tše milione, o be o ka se tshwenyege ge eba o be a rutegile goba a se a rutega, o be o ka se tshwenyege ge eba o be a apere dioborolo goba ge eba o be a apere tuxedo, o be o ka se tshwenyege ge eba o be a le yo moso, yo moserolwana, yo motsothwa, yo mošweu.

¹⁷⁶ Ga se motseta; ke Molaetša wo o nyakago go o theetša. "Jesu Kriste o a swana maabane, lehono, le go ya go ile." Ke ba bakae ba lemogago seo? Bjale ge le ka no—no...

¹⁷⁷ Ge—ge raentšeneere fao, ke a nagana, Mna. Ruby, goba ke a nagana e be e le leina la gagwe, yo ke kopanego le yena bošegong bjo bongwe, ge a ka no...O re file mabone, le go ya pele, mo, ge a ka no kgotlelala metsotsso e se mekae bakeng sa Ebangedi.

¹⁷⁸ Bjale yo mongwe le yo mongwe eba le tlhomphokgolo ka nneta, eupša phegelela ka nneta. Kgorometša thwi ka gare mošola ga seširo.

¹⁷⁹ Bjale ge Jesu Kriste a fodiša balwetši. Bjale, ga ke re ba tla fodišwa; nka se kgone go le botša seo. Elelwang, ga ke ne maatla go fodiša. Ga ke ne maatla, ga le ne maatla e ka ba afe, ga a gona wa rena a dirago. Re na le maatlataolo. Ke ba bakae ba kwešišago seo?

¹⁸⁰ Lebelelang fa, a nke ke le botšišeng se sengwe. Ntle mokgotheng fa, go tselalephefо ye ya sephethephethе yeо e tlago ka gare go tšwa go tselalephefо ya godimodimo, ba be ba le ntle thwi go—go tselakgolo ya go tepoga, ke bona magomo a lebelo ke dimaele tše masomeseswai ka iri. Go na le dikoloi di tla tlase kua, kae kapa kae go tšwa go makgolopedi a maatla a pere, godimo go—go—go ya go a mararo goba makgolonne a maatla a pere.

¹⁸¹ Gomme nomoro masomešupa tshela, hle etla. Ba hloka nomoro masomešupa tshela. B, masomešupa tshela, e ka no ba yo mongwe wa sefoa. Lebelelang tikologong. Oo, ke maswabi. Go lokile. B, šupa—...A yeо ke nneta, ngwanešu wa ka? B, masomešupa tshela. Go lokile.

¹⁸² Bjale hlokamelang, mohlala, fa go tla lephodisa le lennyane ntle fale go tselalephefо, ke yo monnyane kudu go fihla kefa ya gagwe e swara ditsebe tša gagwe fase, gomme a ka se imele e ka ba diponto tše lekgolo. Bjale ke maatla a makae a nago le wona go emiša e tee ya tšona dikoloi? Gomme fao tše dingwe tša tšona feela tše tharo goba tše nne bophara, feela ka maatla ka fao di ka tšholgelago fase tselalephefо yela, ka maatla a pere a makgolotharo ka go ye nngwe le ye nngwe. O be a sa kgone

le go emiša maatla a pere a matee. Gomme mo dikoloi tše ke tšona. Eupša a nke petše ye kgolo yela e phadime, gomme a nke a phagamiše seatla sela godimo! A ka no se be le maatla, eupša o na le maatlataolo. Theetšang diporiki di tswinya, le go kitimela ka mathoko, gomme yo mongwe le yo mongwe o a ema. Gobaneng? Gobane o ne maatlataolo.

¹⁸³ Ga ke na le maatla e ka ba afe. Ga o na le maatla e ka ba afe. Eupša re na le maatlataolo, amene, petše ya tumelo e lekeletše godimo ga Lentšu, “Ke a Le dumela. Ke Therešo.” Seo ke se se emego. Ka gona o ka kcona go phegelela.

¹⁸⁴ Lephodisa le lennyane le eme ntłe fale gomme la letša nakana yela ye nnyane gomme la swarela seatla sa gagwe godimo, ke tla le botša, se sengwe le se sengwe se ya go ema. Ke maatlataolo a gagwe. Ke maatlataolo a gagwe, go dumela.

¹⁸⁵ Bjale le a dumela, yo mongwe le yo mongwe wa lena. Bjale lena le emego ka fale, bjale le se nolege moko, nno—nno dulang fale gomme le gatelele go kgabola, o re, “Morena, monna yo ga a tsebe selo ka nna. Ke na le nnete ya seo. Ge a ka kcona go bolela, go mpotša, ke tla—ke tla dumela ka pelo ya ka yohle.” Bjale re tla tseba eng bjale?

¹⁸⁶ Mofodiši ke mang? Jesu Kriste. A yeo ke nnete? Gabotse, gona, ge A le fa a le gona, gabotse, selo se mnosi re swanetšego go se dira e no ba go Mo kgopela. “Gomme Yena ke Moprista yo Mogolo yo a kgonago go kgwathwa ke dikwi tša mefokolo ya rena.” A yeo ke nnete? Go lokile. Gona, “O a swana maabane, lehono, le go ya go ile.” Lehono ke Yena Moprista yo Mogolo. Bjang, O dirile bjang ge mosadi a kgwathile seaparo sa Gagwe mengwaga ye dikete tše pedi ya go feta? O retologile go dikologa le go mmotša se bothata bja gagwe bo bego bo le, le go re tumelo ya gagwe e mo fodišitše. A yeo ke nnete? Gabotse, O a swana lehono, o tla swanelo go dira go swana, gobane O a swana.

Bjale a mothalo wa lena wa thapelo o komana?

¹⁸⁷ Bjale mosadi šo o tla godimo mo. Bokgole bjo ke tsebago, ga—ga se ka ke ka mmona. Ke mosetsebje wa go felela go nna, bokgole bjo ke bo tsebago. Re basetsebane seng sa rena. [Kgaetšedi o re, “Ke be ke le ka kopanong ya gago ka 1947, 1950 go kgabola ’53.”—Mor.] O rile o bile ka dikopanong tša ka ka ’47 le ka ’53.” Eupša . . . [“ ’51 go kgabola ’53.”] ’51 go kgabola ’53. Eupša go go tseba, ga ke dire. [“Aowa.”] Aowa.

¹⁸⁸ Le a bona, go no swana le ge—ge ke kopane le wena beke goba dibeke tše pedi go tloga bjale, go molaleng nka se tsoge ka go tseba. Go na le batho ba bantši ba bilego ka dikopanong, masome a dikete ge e sa le go tloga nako yeo, le a bona, gomme nka se tsebe. Eupša ge go etla go se ke se rago, a ke, “a o a ntseba,” o a ntseba gobane o bile ka kopanong. Eupša nna go go tseba, goba go tseba se bothata bja gago e lego, goba se o se dirilego gare ga

bjale le nako yeo, goba pele ga nako yeo, goba se o ikemišeditšego go se dira, ka nnete, nka se ke. Aowa.

¹⁸⁹ Eupša bjale gore re se kgotlelelane botelele le motho yo mongwe le yo mongwe, go leka go . . . Bošegong bjo bongwe, ke—ke eme pele. Ga se ke bone; ga—ga—ga se ke nagane go be go le bontši bjo bo itšego bo šetšego. Ke tlogetše ba babedi goba ba bararo ba eme mothalong. Ke be ke se ka swanela go dira seo. Ke nno se se dire. Ga ke tsebe gobaneng. Ke no . . . Gabotse, yo mongwe le yo mongwe, go bonagetše eke e be e le sehloa sa nako. Ga o nyake go pepetletša batho. O ba nyaka ba eba makgwakgwā go lekanela go obeletša godimo fale le go swara se o se bolelago, le a bona, gomme ka gona ba a fodišwa. Ge o sa dire, gobaneng, ga ba—ga ba fodišwe.

¹⁹⁰ Bjale mohumagadi yo fa, lekga la rena la mathomo go kopana. Bjale ge A “swana maabane, lehono, le go ya go ile,” bjale ge A be a eme fa ka sutu ye yeo A mphilego, ka motho tsoko wa go loka wa go mpha sutu ye, bjale ge A be a eme fa a apere sutu ye, a O be a ka kgona go go fodiša? Aowa. Aowa. O šetše a e dirile, o a bona, “O gobaditšwe ka baka la dikarogo tša rena.” O be a ka se kgone go go fodiša. Ke ba bakae ba tsebago seo go ba Therešo? E šetše e dirilwe.

¹⁹¹ Modiradibe e ka ba ofe fa, A be a ka se kgone go go phološa; O šetše a e dirile. O swanetše go e amogela.

¹⁹² Bjale ge A ka be a eme fa a apere sutu ye, yeo A mphilego, O be a ka kgona . . . Selo se nnoši A bego a ka kgona go se dira, e be e tla ba gore . . . Ge o ka re, “Ke a babja. Ke a hloka. Goba, ke na le moratwa yo a babjago,” goba eng kapa eng, “Ke na le bothata ka mašeleng. Ke—ke na le bothata bja selapa,” goba e ka ba eng e lego. O be a ka se kgone, O be a ka se kgone go go fa yona. O be a tla no go botša gore O šetše a e rekile. Bjale ke ba bakae ba kwešišago seo? Yeo ke therešo, le a bona, le a bona, gobane e šetše e dirilwe. Le a bona? A ka se kgone go dira . . .

¹⁹³ Ge o lopolotšwe go tšwa go e ka ba eng, mo—mo morekiši wa dikapolelo a ka se kgone go go swara botelele e ka ba bofe, ge o lopolotšwe. Ge o na le rasiti, gore e lopolotšwe, seo se a e rarolla. A ka se kgone go e swara gape.

¹⁹⁴ Re na le Rasiti, le a bona; bjale ge o na le tumelo go e kheša! Le a bona? Eupša bjale ge A ka be a eme fa, gomme nna ke theile lesolo lohle la ka godimo, “O a swana maabane, lehono, le go ya go ile,” O be a tla tseba se bothata bja gago e bilego. Gomme seo ka nnete se tla . . . Nna ke sa se tsebe, ka nnete se tla tsebagatša gore e be e tla ba Yena. E be e swanetše go ba maatla tsoko, maatla tsoko. Go ya le gore o nagana gore maatla a tla ba eng. Gobane, o a tseba gore ga ke go tsebe, go bolela ka setho. Gomme go tla swanela go ba maatla tsoko. Gomme ge o dumela seo go ba Yena . . . Gomme ge o se wa e dumela go ba Yena, nnete, o be o se wa swanela go be o eme mo. Gomme, eupša, ge o e dumela go ba

Yena, gona ge A ka kgona go go botša se o se dirilego, goba se o lego mo ka sona, goba—goba se sengwe, seo se tla oketša tumelo ya gago, a se ka se ke?

¹⁹⁵ A se tla oketša ya gago ntle fao? Ge, seatla sa ka sese; bokgole bjo ke tsebago, ga se ka ke ka bona mosadi ka bophelong bja ka, feela ba bangwe ka batheeletšing, goba—goba mohlomongwe o be a le ka mothalong wa thapelo, goba se sengwe boka seo, mengwaga le mengwaga ya go feta. Go mo elelwa go itšego; aowa. Eupša a nke Morena a nthuše bjale. Bjalo ka mpho . . .

¹⁹⁶ Le a bona, go swana le badiredi ba mo. Le šetše le tseba, ge le nkwele ke rera, ga—ga ke moreri. Ga ke ne thuto. Nka se kgone go ipitša moreri nnamong, eupša go ne monna fa yoo a kgonago kudu go dira seo go feta ke le.

¹⁹⁷ Eupša mpho ya ka e tšwa go Modimo, gobane ke a Mo rata. Gomme—gomme se ke a dumela, “dimpho le dipitšo di ka ntle ga tshokologo.” Di kgethetšwepele ke Modimo. Tšona di gona moloko wo mongwe le wo mongwe. Gomme karolo ya ka ka go se e be e le go Lentšu lela, go Lona go phela gape, go ba Lentšu go hlatha le go tseba. Seo ke seprofeto, seo se tshepišitšwego go ya ka Maleaki 4, go ba ka letšatšing le, se re dira ka go phethagala ka letšatšing la mafelelo.

¹⁹⁸ Bjale ge Morena Jesu a ka mpotša mo bothata bja gago bo lego, a o tla ntumela go ba moperfeta wa Gagwe, goba mohlanka wa Gagwe? A nke A e fe. O tlaišega ka se—se seemo sa letlalo. Go na le se sengwe sa phošo ka letlalo la gago. Yeo ke mnene. Bjale ge seo e le mnene, phagamiša seatla sa gago. Le a bona? Kafao . . .

¹⁹⁹ Bjale ke tšwelapele ke ikwela seo go tšwa ntle kua, yo mongwe o rile, “O thankile seo.” Bjale ema motsotsotso feela. Ga se ka thankia seo, mohumagadi. Ba bangwe, le a bona, ba . . . O ka se kgone go uta kgopololo bjale, le a bona, gobane O mo bjale. Gomme ke tšeela moyo wo mongwe le wo mongwe ka fa ka tlase ga taolo ya ka, Leineng la Jesu Kriste, le a bona, bakeng sa letago la Modimo. Ga se ke thanke seo.

²⁰⁰ Seo ke seemo sa megalatšika. O na le seemo sa megalatšika seo o . . . seo se go tshwenyago. O rapelela moratwa. Yoo ke mosadi. Yoo ke ngwetši ya gago. Gomme o tlaišega ka go hwa dihwahwa. Yeo ke mnene.

Bjale ga se ke thanke seo. Go lokile.

²⁰¹ E no e dumela! [Kgaetšedi o re, “A o lokolotšwe?”—Mor.] O e dumela ka pelo ya gago yohle; gomme bjalo ka ge o dumetše, go tla ba bjalo go wena. Ke a e dumela. [“O lokolotšwe?”] Ke—ke tla e dumela. Ge o ka e dumela, e tla ba.

²⁰² Le a bona, nka se kgone go e lokolla go tumelo ya ka, e swanetše go lokollwa go tumelo ya gagwe. Le a bona? Le a bona? Le a kwešiša.

²⁰³ O dira bjang? Ke sa tšo lahlegelwa ke mme wa ka, e ka ba mengwaga ye mebedi ya go feta. Gomme ge ke go bona o etla godimo ka mokgwa woo, e tliša mogopolo. A nka se be motho wa go befa a emego mo, a emetše Jesu Kriste, gomme a ba mofori? Seo se tla ba go šiiša go nna go dira se—se selo boka seo. Eupša ga—ga ke mofori. Ke nna mohlanka wa Gagwe. Gomme ge Modimo a ka ntumelela, ka mogau wa Gagwe, go tseba se sengwe ka wena, gabotse, o tla dumela gore e tšwa go Modimo? [Kgaetšedi o re, “Ee.”—Mor.]

²⁰⁴ Bjale gore batho ba tla kwešiša. Lebelelang fa, le a bona. Tlhatho e tee yela e be e le go feta ge nkabe ke rerile go fihla bošegogare. Jesu o rile, “Ke a bona gore maatla a ile.” Ge seo e be e le seo go Morwa wa Modimo, go kaakang bontši go nna modiradibe? Le a bona? Daniele o bone pono e tee, o be a tshwenyegile ka hlogong ya gagwe lebaka la matsatši a mantši. Ke ba bakae ba tsebago seo? Kgonthe. Le a bona? Ga le lemoge mogau woo Modimo a re fago.

²⁰⁵ Bjale, mohumagadi o tlaišega ka seemo sa mogodu. Se ka mogodung wa gago. Ke go bona o katakata go tloga tafoleng. Gomme se hlotšwe go tšwa go se—se seemo sa letšhogo seo se hlolago mogodu go ba seo, se se dirago dijo go se kgone go šilega. Ke alsal a mala, ka kgonthe se se lego, ka mogodung. Gomme o a dumela gore Modimo o tla go fodisa yeo? [Kgaetšedi o re, “Ke a dira.”—Mor.] O e amogela bjalo ka ge o foditšwe? O a dumela gore Modimo o tla e tloša go wena. Modimo a go šegofatše. Sepela, gomme a nke Morena Modimo a e fe go wena.

Tlhomphokgolo ka kgonthe.

²⁰⁶ O dira bjang? Re basetsebane mongwe go yo mongwe, ke a nagana. Kopano ya rena ya mathomo ya kgonthe, a ke yona? [Kgaetšedi o re, “Ke bile ka dikopanong.”—Mor.] O bile ka dikopanong, eupša nna go go tseba, ga ke dire.

²⁰⁷ O be o ipotšiša wenamong. Ge o ka dumela, atheraithisi yela e tla go tlogela. Ee. O be a dutše fale, a inamišitše hlogo ya gagwe, a rapela. E tla tloga, ge o ka e dumela. Monnamogatša wa gago, a o a dumela gore Modimo a ka nkutollela seo bothata bja gagwe e lego? A o a dumela gore Modimo a ka mpotša? O be o thabile kudu go tseba gore o be a eya go fola go yeo. O na le bothata bja proseteite bjo bo go tshwenyago. Phagamišetša seatla sa gago godimo.

²⁰⁸ Ga se ka ke ka ba bona, ka bophelong bja ka. Mpotseng se ba se kgwathilego. Bjale e nong go botšiša potšišo yeo. Ba kgwathile eng? Ga se ba tsoge ba nkgwatha; ba dikgato tše masometharo go tloga go nna. Eupša ba kgwathile Moprista yo Mogolo yola.

²⁰⁹ Ge ke le mosetsebje go lena batho, šišinya seatla sa gago ka mokgwa *wo*. Lena—lena—lena batho ba babedi le dutšego fa, ge ke... E nong go šišinya seatla sa lena ka mokgwa *wo*, ge ke le mosetsebje go lena. Le a bona? Le a bona? Le be le nno dula fale.

Gomme mohumagadi o be a rapela, le a bona; gomme Yena, a eme fa, o retologa feela boka A dirile ka Beibeleng. E sego—e sego nna ke retologa; Yena a nthetolotše.

²¹⁰ Lebelelang, ga ke tsebe dilo tšeо. Go no swana le setšeantšu se, ke semuma ka go phethagala ntle le ge se sengwe se bolela ka sona. Eupša le kgona go nkwa ka setšeantšu se, (a yeo ke nnete?) eupša setšeantšu ga se kgone go bolela, sonamong. Ga se na le segalontšu. Ga ke tsebe batho bao. A ga le kgone go lemoga ke ka Bogoneng bja Modimo, bjoo bo šomišago seo, go le bontšha Bogona bja Gagwe? Gatelelang thwi go kgabola!

²¹¹ Bjale rena re le basetsebane seng sa rena, o yo moswa go mpheta. Ka kgonagalo re belegwe mengwaga go arogana le dimaele go arogana, gomme ſefa re a kopana lekga la mathomo. Bjale ge O ile kua, nka kgona feela go ya; Ke Seetša, ke a Se ſetša, le a bona. Moya wo Mokgethwa ke Seetša, re tseba seo. Eupša ge Morena Jesu a ka nthuša go tseba se bothata bja gago e lego, a o tla ntumela go ba mohlanka wa Gagwe, le go tseba gore ga se nna, gore ke Yena?

²¹² Ke no ba mohlanka wa Gagwe, boka setšeantšu sela. Bjale, ye, teseke ye fa ke karolo ya fenišara ya ntlo, eupša e be e se ya direlwā go bolela; e swere Beibele ya ka. Setšeantšu se ka se sware Beibele ya ka; se rwala segalontšu sa ka. Gabotse, go na le dimpho tša go fapanā ka kerekeng; tše dingwe ke segalontšu sa Gagwe, tše dingwe ke pono, tše dingwe ke dilo tše dingwe ba di dirago. Eupša ke no ba ka pono, bjalo ka mohlanka wa Gagwe.

²¹³ Bjale ge Modimo a ka ntumelela go tseba se bothata bja gago e lego, o mo bakeng sa eng, o tla ntumela, le go dumela gore ke Lentšu la Modimo. O tlaišega ka tshwaetšo. Tshwaetšo e ka gare ga letlalo.

²¹⁴ Le bona seo? O a tseba ge eba ke therešo goba aowa. Le a bona? Bjale, bontši o tla bolelago le yena, bontši bo tla bolelwa. Ke motho yo mokaone kudu.

²¹⁵ Gale, lebelelang fa feela motsotsō; ka gona ka moka ga bona, ge o swanetše go ba tliša ka lebelwana gannyane. A re no bolela metsotsō e se mekae, ka gore o motho yo mokaone kudu. Bjale o a tseba gore se sengwe se diregile go wena. Bjale gare ga gago le nna go na le Seetša. A o kile wa bona seswantšho sa Sona? Se eme thwi gare ga ka le wena. Ke go lebeletše, ka Seetša sela. O a bona? Gomme o a dumela gore Modimo a ka kgona go mpotša gore o mang? O boditše Simone gore o be a le mang.

²¹⁶ Ke ba bakae ba dumelago seo bjale? Ke rena ba le diatla tša rena godimo, re basetsebane ba go felela.

²¹⁷ Ba go bitša “Florence,” gomme leina la gago la mafelelo ke McAllister. A o a dumela Modimo a ka kgona go mpotša mo o tšwago? [Kgaetšedi o re, “Ee.”—Mor.] Ga o tšwe mo. O tšwa lefelong le le bitšwago Lawrence, Kansas. Yeo ke therešo. Bjale boela morago, Jesu Kriste o go dira o fole. Um-hum.

²¹⁸ Eba le tumelo go Modimo. Le a bona? Le a bona ke eng? Bjale hle ebang tlhomphokgolo. Le se šuthe. Le a bona, le se šuthe.

²¹⁹ Modimo o fodiša bolwetši bja swikiri. A o dumela seo? A o a dumela gore O tla go fodiša? E no ya pele, gomme o re, “Ke a Go leboga, Morena.” Gomme e dumele ka pelo ya gago yohle, gomme o tla fodišwa.

²²⁰ A o a dumela gore Modimo a ka kgona go fodiša bothata bjoo bja sesadi bjo o nago nabjo? Gona nno ya pele, o re, “Ke a Go leboga, Morena. Ke e dumela ka pelo ya ka yohle.”

²²¹ Go lokile, a nke mohumagadi a tle. O na le bothata bja sehumagadi, gomme gape o na le bolwetši bja swikiri. A o a dumela gore Modimo o tla go dira o fole? E no tšwelapele o sepela, o re, “Ke a Go leboga, Morena,” gomme e dumele ka pelo ya gago yohle bjale.

²²² Etla. Seemo sa letšhogo se hlola bothata bja mogodu. A o a dumela o ka ja selalelo sa gago bjale? Sepela, o re, “Ke a Go leboga, Morena.” Eja selalelo sa gago gomme o dumele ka pelo ya gago yohle.

²²³ Modimo o fodiša bothata bja pelo. A o a dumela O tla fodiša bothata bja pelo ya gago? Go lokile. Sepela, o e dumela, gomme O tla e dira, o a bona, ge o dumela.

²²⁴ Go ka reng ge ke se ka bolela e ka ba eng go wena, go no bontšha tumelo yeo ke dumelago o nayo, e no bea diatla godimo ga gago, a o a dumela o tla fola? Etla kgauswi. O be o šetše o fodišitšwe ge o tloga godimo kua, le yeo. Ke therešo go le bjalo.

²²⁵ Etla. Nnete, mang kapa mang o a bona mosadi yo o a hlotša, bjoo e bile bophelo bja gagwe bjohle. Eupša selo se sengwe o nago naso, ke bothata bja mogodu bjo bo go tshwenyago, gore o nyaka... E no tšwelapele o sepela, o re, “Ke a Go leboga, Morena.” Dumela ka pelo ya gago yohle, gomme sepela, gomme o a e dumela.

²²⁶ A o a dumela gore Modimo o tla fodiša atheraithisi yeo, gomme a go dira o fole, gomme wa ya gae? Sepela, o e dumela ka pelo ya gago yohle.

²²⁷ Ke ba bakae ntle fale ba ba dumelago, bohole ba lena? Fa go dutše monna a dutše thwi fa o ntebeletše fa. A ga le bone Seetsa sela se lekeletšego go monna yo thwi fa?

²²⁸ Ka kgonthé, se a tshwenyegilego ka sona, ke ka bothata bja go nona kudu. Yeo ke nnete. Phagamiša seatla sa gago ge seo. A o a dumela gore Modimo o tla go fodiša? Mosadi wa gago yo a dutšego kgauswi le wena fao, o a dumela gore Modimo a ka kgona go mpotša gore bothata bja gagwe ke eng? A o a dumela? A o ka dira, mohumagadi? A o ntumela go ba moprofeta wa Gagwe, mohlanka wa Gagwe? Seo se foufatša batho ge o re “moprofeta.” A o ntumela go ba mohlanka wa Gagwe? A o a dumela gore Modimo a ka kgona go mpotša gore bothata bja gago ke eng?

Kgatelelo ya godimo ya madi. Dumela ka pelo ya gago yohle bjale, gomme e tla go tlogela, gobane o a dumela.

²²⁹ Mošemane yo wa lekhalaate a dutšego ntle mo mafelelong a setulo, a bogetšego ka tsenelelo, o nagana eng ka se, mohlomphegi? A o e dumela go ba ya Modimo, wena o dutšego fao? O be o ntebeletše ka phišego. Ga ke go tsebe. O mosetsebje go nna. Eupša o tlaišega go tšwa bothateng. A o a dumela Modimo a ka kgona go mpotša gore ke eng? O a dira? Ke aletši. Yeo ke nnete. A o a dumela gore Modimo o tla go fodiša? Selo se tee se segolo ka wena, ke se, bjo bongwe bja mathata a gago a magologolo ke gore o kgelogile. Ka kgonthe o nyaka go tla morago go Modimo. Ge seo e le therešo, phagamiša seatla sa gago, morago o tle fa. Dibe tša gago di lebaletšwe wena, ngwanešu wa ka.

²³⁰ O re, “O tseba seo bjang?” Yena wa go swana yoo a mpoditšego se se bego se fošagetše ka yena.

²³¹ Ke ba bakae ka fa ba nyakago dibe tša lena di lebalelwé? A le tla ema ka maoto a lena? Le nyaka dibe tša lena di lebalelwé? Ke no nyaka go bona ge eba o botega go lekanelo go e dira. Ke a go leboga. Ke a makala ge eba o tla sepelela thwi ntle fa le go ema fa le monna yo yoo a sa tšogo lebalelwé, o re, “Ke nyaka dibe tša ka di lebalelwé. Ke botega ka yona”? O ka se kgone . . .

²³² Etlang pele, go na le bontši go feta fao mo. Bjale, ge tlhatho e hlatha bolwetši le malwetši, e hlatha sebe. Le tseba seo. Nka tseba bjang monna yo e be e le modiradibe? Yeo ke yona, etla thwi ntle gomme o tle thwi fase. Re no . . . A le tla e dira, feela nakwana? Etla mo gomme o eme nakwana feela, o re, “Ke nyaka go lebalelwé, ngwanešu. Ke nyaka Modimo go ntebalela phošo ya ka. Ke a lemoga gore ke ka Bogeneng bja Gagwe. Ga ke kgathale se baagišani ba ka ba se naganago. Ke—ke a tla go le bjalo. Ke a phegelela. Ke nyaka go phološwa, bošegong bjo. Ke dumela Modimo. Ke nyaka go tla thwi bjale le go ba le dibe tša ka tšohle di hlatswitšwe.”

²³³ A go lokile go bitša badiredi? Ke badiredi ba bakae ba lego ka fa, bao ba dumelago gore batho ba ba ne tokelo go phološwa ka mogau wa Modimo? Ke nyaka modiredi yo mongwe le yo mongwe yoo a e dumelago, etla o eme tikologong fa le bona bjale ge re rapela, modiredi yo mongwe le yo mongwe yoo a nago le kgahlego go disoulo tše di lahlegilego. Ga se ke nagane ke be ke eya go dira se, eupša ke tseba bokaonana go feta go se obamele Segalontšu sa Gagwe. O mpoditše go dira se. E ka no ba nako ya bona ya mafelelo, ga ke tsebe.

²³⁴ Ke ba bakae ba tsebago gore se ke se A se dirilego ge A be a le mo lefaseng? Gona go tlamegile go ba Yena gape. Ga go kgonege go motho, motho e ka ba mang, go dira selo boka seo. Re ka Bogeneng bja Gagwe. Gomme fa re a Mmona, bošegong bjo, a dira . . . “Ge Ke phagamišeditšwe godimo, Ke tla gogela motho bohole go Nna.” Le a bona? Re Mmona mo a dira selo sa

go swana A se dirilego ge A be a le mo lefaseng. A re ka se kgone go phegelela bjale? Gatelela thwi ka gare. Ke eng se re dirilego go tla mo? Ke eng se se hlotšego tšohle tše, go le bjalo? Ke Modimo. A ga le dumele seo?

²³⁵ Ke nyaka yo mongwe le yo mongwe wa lena banešu badiredi go sepelela pele gomme le bee diatla tša lena godimo ga yo mongwe wa batho bale ba ipolelago fale.

²³⁶ Bjale, ngwanešu morategi wa ka, kgaetšedi, wena yo a ipolelago aletareng, ke eng e go dirilego go tla? Ga se wa tla ka maatla a gago mong. O tlie ka baka la gore selo se sengwe se go kgodištse gore o be o le phošo. O nyaka go lebalelw. Ge o bone mošemane yola wa go šokiša wa lekhala, mošemane yola wa Moetopia a eme fale, o tlogile go Modimo, gomme Moya wo Mokgethwa o utolotše gore O be a le modiradibe. Moya wo Mokgethwa wola wa go swana ga se nke wa ke wa go biletša ntle go tšwa dipounameng tša ka, eupša O go biditše, gomme ke wena yo, bošegong bjo, o eme ka tsela ya go swana mošemane yola a bilego. Ipolele dibe tša gago bjale pele ga Modimo. Mo dumele ka pelo ya gago yohle, gomme O tla lebalela sebe se sengwe le se sengwe o se dirilego, le go go tšeela morago bošegong bjo go mabala a boipolelo bja gago le kopanelo. O tla e dira ge o ka no Mo dumela.

²³⁷ Bjale a re inamišeng dihlogo tša rena, mogohle ka go batheeletši, gomme yo mongwe le yo mongwe tlhomphokgolo ka kgonthe. Bjale a re rape leng. Yo mongwe le yo mongwe wa lena ipolele dibe tša gago. O fa. Moya wo Mokgethwa o fa. Seo ke se se bitšago. Bjale e no e dumela ka pelo ya gago yohle, ipolele gore o phošo, Mo kgopele a go lebalele. Gomme yo mongwe le yo mongwe wa lena banešu rapelang le batho ba.

²³⁸ Tate wa Legodimong, re a tla bjale Leineng la Morena Jesu, go Go leboga bakeng sa mogau le maatla a Gago a magolo go tla go rena, Morena. Gore rena, ba go hloka maswanedi, tlasetlase fa mo ya thari, go tswaleleng ga nako. Re kgopela gore kgaogelo ya Gago e katološwe, Morena, pele go theoga, pele go fihla soulo ya mafelelo e tlišwa ka gare. Bošegong bjo, ka lebaka la go bonagala ga Gago pele ga rena, go dirile batho go gatelela ka godimo ga seemo se sengwe le se sengwe, go tla godimo fa, go dumela gore ye ke iri yeo dibe tša bona di tla lebalelw bona, le gore ba tla lokologa, go tloga bošegong bjo go ya pele. E fe, Tate wa Legodimong. A nke sebe se sengwe le se sengwe se fete go bona.

²³⁹ O rile, “Yo a tla tlago go Nna Nka se mo lelekele ntle le ka mokgwa ofe. Le ge dibe tša lena di le boka letsoku, efela di tla ba tše tšhweu boka wulu; tše khubedu boka madi, di tla ba tše tšhweu boka leswele.” Re phonkgela ka tlase ga lefula la Madi a Jesu Kriste. Ka tumelo re tše batho ba, ba ipolelago, ka go Bogona bjola bja Modimo, ka go Madi a Morwa wa Modimo, le go ba kgopelela tebalelo. Re kgopela kgopelo ye ka go la Jesu

Leina. Tloša sebe se sengwe le se sengwe gomme ba tšeеле ka go tlhokomelo ya Gago, Tate. Ge ba ipolela, ba buše morago godimo ga motheo wa tshepišo ya Gago. O rile O tla e dira, gomme ke a tseba O tla dira. Ke ba Ģago, Tate. Re ba neela go Wena, Leineng la Jesu Kriste.

²⁴⁰ Yo mongwe le yo mongwe wa lena yoo a emego go dikologa aletara bjale, yoo ka therešo a ipoletšego o phošo; le ka Bogoneng bja Modimo, le ntumela go ba moprofeta wa Gagwe, le go dumela gore ke le boditše Therešo godimo ga se, gomme le a dumela gore dibe tša lena di ile; gomme lena bjale, ka tumelo, le phuleletša go kgabola seširo sela, ka go Bogona bja Modimo, le go re, "Morena, ke a Go dumela gonabjale, le go Go amogela"? Emiša diatla tša gago, gomme o re, "Ke a e dira." Yo mongwe le yo mongwe go dikologa aletara, phagamiša diatla tša gago gomme o re, "Ke a e dira. Bjale ke a e dumela." Modimo a le šegofatše. Amene. Yeo ke tsela ya go e dira. Yeo ke yona. Feela ka tumelo, kgeila go kgabola seširo sela.

²⁴¹ i Bjale ge le sa le thwi go mabala a go swana ao le emego go ona, gore le lebaletšwe, bjale, banešu, beang diatla tša lena morago go bona gape bakeng sa kolobetšo ya Moya wo Mokgethwa. Thwi moo o emego, bea diatla tša gago thwi go bona bjale, le go rapela gore ba amogela kolobetšo ya Moya wo Mokgethwa, ba eme thwi fa.

²⁴² Morena Jesu, romela maatla a Gago godimo ga bona, bjalo ka phefo ye maatla ye e kitimago. Romela poeletšo ye nngwe ya Pentecost; gomme tlatša batho, e sego kamora, batho, ka Mollo wa Moya wo Mokgethwa, le tebalelo, le diponagatšo tša maatla, ka Leina la Jesu. Amene. 

64-0619 Go Phegelela
Municipal Auditorium
Topeka, Kansas U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org